

2.

PLENVM
EXPERIMENTIS NOVIS
CONFIRMATVM.

Auctore STEPHANO NATALE
Societatis IESV.



● **P A R I S I I S,**
Apud { **SEBASTIANVM CRAMOISY,**
Regis & Reginae Regentis
Architypographum,
ET
GABRIELEM CRAMOISY. } via la-
cobæa,
sub Ci-
coniis.

M. DC. XLVIII.
CVM PRIVILEGIO REGIS.

300

200

100

50

25

10

5

2

1

0

0

0

0

0

0

0



SERENISSIMO
REGIÆ STIRPIS PRINCIPI
ARMANDO
BORBONIO
PRINCIPI DE CONTY
CAMPANIÆ ET BRIÆ
GVBERNATORI, &c.

IBELLVS hic noster,
ex quô tibi vernaculâ
linguâ placuit (Prin-
ceps serenissime) iam
de orbis iudicio securus, commu-
nem cunctis gentibus linguam
assumpsit, vt ab omnibus legere-
tur. Sic enim est, ARMANDE,

EPISTOLA.

*quidquid probas ; consecras , &
 uniuscuiusque meritum fama
 ex tuâ commendatione metitur.
 Hinc respiciunt te docti omnes
 sic , quasi ingeniorum solem , à
 quô vel aspici , illustrem fieri est.
 Maximum te profectò hâc inge-
 nij laude , nisi eam longè maiori-
 bus superares. Fecit te ingenio-
 rum omnium principem ingenij
 summa vis : facit te voluntatum
 omnium dominum illex animo-
 rum comitas. Nemo te un-
 quam adiit , qui abs te suus re-
 diret : plures tibi voluntarios
 clientes subiecit victrix benigni-
 tas oculorum , quàm fratris ar-
 mata manus inuitos imperio Gal-
 lico adiunxerit. Hæ sunt incruen-
 ta vultûs tui victoriæ. Hic de-
 mum suauissimus triumphus ,*

EPISTOLA

quem etiam, qui victus est, amat.
Perge, ARMANDE, tuum ex-
tende in animos imperium: pra-
be te facilem, ut facis, omnibus
tua securus dignitatis, quam v-
bique circumfers: Pateat omni-
bus aditus ad te: nihil enim tibi
optandum superest, quàm vide-
ri: quàm, ut qualis es, talis esse
credare: ostende terris, quod à
multis retrò sæculis non vide-
runt, omnium horarum, omnium
hominum, principem. Agunt
multi certis duntaxat tempori-
bus, velut in scena, principes:
maximam vitæ partem famæ
subtrahunt. Non ita tu, AR-
MANDE, qui in posteritatis e-
xemplum factus totum te famæ
debes; quidquid dixeris, feceris,
olim reposcet aternitas. Ipsa et-

EPISTOLA.

*iam te videat invidia, quæ iam-
dudum laudat te, dum de te si-
let: clarissimum est principis præ-
conium invidia tacens. Neque
verò vilesces, si sæpius videare.
Est in te quod omnium tempo-
rum, populorum omnium, ex-
hauriat admirationes. Mirabi-
tur alius pietatem tuam, quæ in
hac tempora idcirco reservata
videtur, ne illustre orbi corrupto,
aut exemplum, aut conuicium,
decesset: prudentiam alius, quæ
vixdum adolescens, si tui tamen
similes heroas ætas ulla distinguit;
præcurris annos iam maturus in
flore: liberalitatem alius, quam
tantâ bonitate condire soles, ut
sit beneficij tui minima pars mu-
nus ipsum, quod largiris: mode-
rationem denique omnes, quæ te*

EPISTOLA.


*totum, virtutesque tuas, capis;
 Et in tantò splendore constitutus,
 ostendis te tam pati posse lucem,
 quàm facere. Sed me tua eadem
 illa modestia reuocat, numquam
 inimica veritati, nisi cùm de te
 fit sermo. O te magnum, AR-
 MANDE, qui tantus es, ut ig-
 norare te velit modestia tua, ne
 totum te ferre non possit: sibi
 metuit quoties occurrit tibi. Noli
 tamen te refugere, Princeps; in-
 spice te, non ut blandiaris tibi;
 sed ut reddas te virtutibus tuis
 quàm familiarissimum; ut iam
 incipias emulari tibi, ac tecum
 ipse certare. Magnus enim tibi
 aduersarius es, ARMANDE,
 cui, ut crescas, superandus AR-
 MANDVS BORBONIVS est.
 Sed eris ingens tibi quoque glo-*

EPISTOLA.

ria, si te in dies viceris, qui omnes alios iamdudum superasti. Quod ipsum dum tu egregiè perficis, accipe interea hanc qualemcumque obsequij mei satisfactionem. Gaudet enim ob rem præcipuè libellus hic noster in linguam Latinam transiisse, ut observantiam in te meam cunctis gentibus loqui posset.

Serenissimæ C. T.

Addictissimus
STEPHANVS NATALIS
è Societate IESV.



PRÆFATIO
AD LECTOREM.

HISTINEBAR graui morbo, cùm primùm huius libelli editio Gallica pròdiit, nequè priùs conualui, quàm iam penitus excusus esset, publicèq; prostaret: Ac tum quidem deprehendi librariorum, vt fit, incuriâ multa in eum menda irrepsisse. statui itaque, quantùm otij mihi ex grauioribus negotiis succisuiis horis relinquebatur, id totum in eius emendatione ponere, quò demùm castigatior lucem videret. Quoniam autem experimenta, quibus pugnant aduersarij nondū videram, cùm primùm hunc li-

bellum composui: animaduvertebam insuper Gallicâ videlicet linguâ balbutire duntaxat Philosophiâ, & vocum sæpe inopiâ laborare; consultiùs me facturum existimaui, si totum opus nouâ diligentia, atque arte, extusum de integro veluti recuderem in linguam Latinam translatum, quæ disciplinis omnibus, adeoque Philosophiæ, maximè vernacula est. Cæterùm oro te, mi Lector, vt, si noster hic labor, qualiscumque tandem est, cum primùm veniat in manus, non ingratus accidit; nunc demum, cum, & emendatior multo, & linguæ dignitate commendatior est, non modò non excidat à vetere gratia, sed nouam potiùs ineat.



INDEX CAPITVM ET SECTIONVM.

PARS PRIOR.

EXPERIENTIA. pag. 1

CAP. I. *Quæ huic vacuo consequentia
sint.* 3

CAP. II. *Refellitur vacuum.* 4

CAP. III. *Refellitur hoc vacuum.* 5

CAP. IV. *Responsum ex condensatione
sumptum non satisfacit.* 6

CAP. V. *In spatio ab hydrargyro deserto
esse aliquod corpus.* 8

CAP. VI. *Tria in experientiâ propositâ
consideranda.* 10

CAP. VII. *In aëre, terram, aquam, &
ignem, inesse.* 12

SECTIO I. *Terra & aqua sunt in aëre.* 12

SECTIO II. *Ignis elementaris est in aëre.* 13

Index Capitum

SECTIO III. *Ignis ab aëre per aëris compressionem secernitur.* 15

SECTIO IV. *Ignis in aëre lumine comprobatur.* 16

CAP. VIII. *Aërem, ignem, & terram aquâ contineri.* 19

SECTIO I. *Probat experimento in aqua esse aërem, & ab eâ separari.* 19

SECTIO II. *Argumentum separationis ignis ab aëre in aquâ.* 21

SECTIO III. *Discrimen inter Aërem aquæ permixtum, & Aërem in aquâ.* 22

SECTIO IV. *In aquâ ignem, & terram inesse.* 22

SECTIO V. *Vnde motus aqua in Thermometro.* 23

CAP. IX. *Rarefactione acquiri quantitatem, condensatione deperdi.* 24

SECTIO I. *Quanam raritas sit terminus rarefactionis? Quanam densitas sit terminus condensationis.* 24

SECTIO II. *Varia de Raritate, ac Densitate, sententia.* 25

SECTIO III. *Nonnulla præmittuntur ad intelligentiam vera sententia.* 28

SECTIO IV. *Vera sententia de raro ac denso,*

& Sectionum.

per se.

30

SECTIO V. Explicatio Rari, ac Dens per
primam mundi constitutionem. 33

SECTIO VI. Refelluntur contraria sententia.

34

SECTIO VII. Quomodo mixta sint Rara,
& Densa. 35

SECTIO VIII. Errandi circa rarefactionem,
& condensationem, qua sit occasio. 36

CAP. X. Elementa esse inuicem per-
mixta. 38

CAP. XI. In corporibus esse poros. 39

CAP. XII. Locum ab uno relictum ab
alio corpore occupari. 40

CAP. XIII. Mundi plenitudo probatur.

42

CAP. XIV. Rationis aqua ad spongiam,
cum ratione aetheris ad aërem com-
paratio. 45

P A R S P O S T E R I O R.

CAP. I. Responsio ad quaesita super ex-
perientiâ propositâ. 50

SECTIO I. Responsio ad primum. 50

Index Capitum

SECTIO II. Responsio ad secundum. 52

SECTIO III. Cur ather in tubo non calefaciat. 55

SECTIO IV. Hydrargyrus in tubo non est leuior multo atheri subiectus quàm pauc. 55

SECTIO V. Hydrargyrus in tubo subiectus aëri sit minor. 56

SECTIO VI. Aër in tubo iunctus atheri dilatatur. 59

SECTIO VII. Aëri conuenire motum elasticum, & canna ventosa glandis explosionem. 59

SECTIO VIII. Responsio ad tertium questum. 61

EXPERIENTIA PRIMA. 63

CAP. II. Experientia declaratio. 64

SECTIO I. Responsio ad primum. 64

SECTIO II. Responsio ad secundum & tertium. 65

SECTIO III. Responsio ad quartum. 66

SECUNDA EXPERIENTIA, ET EIVS DECLARATIO. 67

TERTIA EXPERIENTIA. 67

CAP. III. Experientia declaratio per

& Sectionum.

æquilibrium. 68

QUARTA EXPERIENTIA. 70

CAP. IV. *De motu aquæ per siphonem.*

71

SECTIO I. *Huius motûs causa.* 72

SECTIO II. *Duplex siphon, & explanatio prioris.* 74

SECTIO III. *Explicatio posterioris.* 75

SECTIO IV. *Quid necessarium sit, ut motus perseveret?* 79

SECTIO V. *Quid fiat, quando sub athere soluitur unio partium aquæ.* 80

SECTIO VI. *Quæstiuncula de motu aquæ per siphonem.* 82

QUINTA EXPERIENTIA. 84

CAP. V. *Explicatur experientia.* 85

SEXTA EXPERIENTIA. 86

CAP. VI. *Quid novi habeat ista experientia.* 87

SEPTIMA EXPERIENTIA. 88

CAP. VII. *Ista experientia cum quarta comparanda est ut intelligatur.* 89

Index Capitum & Sectionum.

OCTAVA EXPERIENTIA. 89

CAP. VIII. Comparanda est cum quin-
ta. 90

CAP. IX. Ex dictis nonnulla colligun-
tur. 90

CAP. X. De mundo simplici, & natu-
rali. 93





PLENUM
EXPERIENTIIS NOVIS
CONFIRMATVM.

DVÆ sunt huius opusculi partes:
Altera est apparatus ad experi-
mentorum expositionem: Altera
est ipsa expositio.

PARS PRIOR.

EXPERIENTIA.

IMPLEATUR hydrargyro tubus vitreus
pedum quatuor, cuius alterum extremum
sigillo hermetico sit obsecratum. Dein, quâ par-
te apertus est, digito occludatur. His ita con-
stitutis tubus perpendiculariter ad horisontem
erigatur: sic tamen, ut extremum obturatum
digito sit inferius, & immergatur ad trium
digitorum altitudinem in alium hydrargy-
rum, qui continetur in subiecto vasculo, hy-

A

drargyro, & aquâ ex aquo pleno. His positis, recludatur extremum illud amoto digito ita, ut tamen inclusum semper, & circumcinctum hydrargyro remaneat. Tum verò pars aliqua hydrargyri, qui est in tubo descendet in vas subiectum, destituens in superiori parte tubi locum, qui vacuus omnino, & inanis, primâ fronte videri possit: inferior autem pars tubi ad certam altitudinem hydrargyro plena remanebit. Quod si paulatim erigatur tubus donec extremitas illa, quâ reclusus est, & quæ antea in hydrargyrum erat immersa, ab eò tandem existens, ad regionem aquæ peruenerit; tunc hydrargyrus, qui est in tubo, sursum cum aquâ feretur: seque hi duo liquores simul commiscébunt, & confundentur. Tandem hydrargyrus totus descendet ex tubo aquâ pleno.

Hanc experientiam totidem verbis D. Pascal filius Gallicè exposuit in libro, quem sic inscripsit, *Experiences nouvelles touchant le vuide*. In quo, & singularem ab omnibus gratiam iniit, & magnam ipse ingenij, & doctrinæ, laudem assequutus est.

CAPVT PRIMVM.

Quæ huic vacuo consequentia sunt.

REVERENDVS Pater *Valerianus* magnus in eo tractatu, cui titulus est *Demonstratio ætularis loci sine locato, &c.* cum multa in hunc locum differit; tum præcipuè hæc tria pronunciat: primum, *Spacium, quod est in tubo supra hydrargyrum, inane esse: deinde, per illud spatium, quamvis inane, lumen transfundi: Denique corpus per spatium inane, siue ascendat, siue descendat, non momento temporis, sed cum aliquâ morâ, & ascendere, & descendere.* Quæ duo postrema ita cum primo connexa sunt; vt, si quidem illud verum sit; de istorum veritate nulla possit esse dubitatio. Omnis ergo labor est in probatione primæ propositionis, ad quam vno hoc argumento suffultus aggreditur. Nimirum, quòd in locum ab hydrargyro derelictum nullum corpus successerit: Ex quò necessariò efficitur, hoc spatiū videlicet vacuum esse: atque ex hac conclusione, duabúsque supradictis propositionibus, iterum concluditur, primò, *Corporis motum in vacuo, non momento temporis, sed*

cum aliquâ morâ , fieri: Secundò , Lumen neque corpus esse ; neque in corpore: Tertiò , corpus lucidum ex nihilo lumen educere: si quidem vacuum merum nihil est: quæ omnia , fateor , ex primâ suâ propositione deducit legitimè: nempe , si verum est nullum corpus in locum ab hydrargyro destitutum subiisse.

CAPVT II.

Refellitur vacuum.

VERVMENIMVERÒ, cùm multiplici experienciâ compertum habeamus, omnia corpora, nunc eâ vi se extrudere, nunc attrahere inuicem ; vt vacuum inter ea solius naturæ viribus intercedere non posse videatur: cùm nouerim etiam reperiri permultos, qui negent fieri, etiam absolutè, posse, vt vacuum aliquod in orbe sit: nimirum, cùm non possint sibi depingere spatium vllum corporibus vndiq; circumdatum, quod non & ipsum constet ex partibus extra se inuicem positis ; quod non sit longum, latum, & profundum, quæ quidem essentialiter constituunt, ac germanas affectiones veræ, ac realis dimensionis: cùm

confirmatum.

5

sciamus quoque esse, qui dicant; cùm corpus aliud nihil sit, quàm partes extra se positæ; partes autem eò sint, vt in corpus, ac totum, aliquod coalescant; ab indiuiduis corporeis, quæ specie quidem, non autem primo genere, quod est *corpus*, differunt; immediatè totum corporeum, hunc scilicet aspectabilem mundum, componi; hæc, inquam, omnia cùm probè nouerim passim vsurpari à quibusdam non minimæ notæ Philosophis; non possum, quin dubiam vehementer, ac suspectam, habeam veritatem huius antecedentis, quæ vacuum asserit.

C A P V T III.

Refellitur hoc vacuum.

VACVVM, de quo totus hic sermo nobis est institutus, suas habet difficultates. Illi enim multæ refragari videntur experientiæ. Primùm quidē certum est, vel ipsis oculis iudicibus, huius spatij longitudinem ad duos fere pedes porrigi: certū insuper rotundum idem esse: postremò ad figuram tubi accommodari, quemadmodum aqua, quæ est in vase, ad vasis figuram suam ipsa figuram effingit. Patet

A iij

præterea, quod hydrargyrum sursum compellit, quemadmodum solet corpus, quod è loco excedens, aliud in suum ipsius locum intrudit: Quod inuerso tubo hydrargyri motum aliquantulum moratur: Quod, vt solent pellucida corpora; ita lumen transmittit. Hæc si quis inficiari velit; ipsorum oculorum iudicio reuincetur. Adde; Quod dici non potest, quid factum sit eò corpore, quò totum hoc spatium, quod videtur inane, replebatur. Non dices redactum ad nihilum. Quid ergo? Nimirum ais ipsum esse hydrargyrum, qui in vasculum delabitur: At ipse hydrargyrus cuiusnam corporis locum occupat? Aëris nimirum, qui dum hydrargyrus descenderet; ascendit, eique loco cedit. Bene est. At quid factum putas illò aëre? Aut quemnam demum in locum concessisse?

CAPVT IV.

*Responsio ex condensatione sumpta
non satisfacit.*

DICES densatum, & compressum. At ista condensatio (vt nunc est plerorumque opinio, posteaque suo lo-

co probabitur) esse non potuit, quin corpus aliquod excluderetur, aut impleretur vacuum. Si corpus exclusum est, quò concessit, cùm omnia vbique plena sint? Si vacuum impletum est; *vacuum* erit locus condensati. Ergo ille aër existit tum ab omni cælestium corporũ influxu, tum à terrestrium communione, secretus. Præterea, antè etiam, quàm hydrargyrus descendisset; vacuum, quod aër compressus impleuit, circa tubum versabatur: ac proinde vacuum est intra, atque extra tubum: Extrà; vacuum, quod recens impletum est, & quod nouissimè ab omni prorsus corpore vacuum erat: intra tubum verò; verum vacuum, atque omnis omnino corporis inane. Cùmque istud experimentum vbique fieri possit; in longioribus etiam, & crassioribus tubis; sequetur vt vbique vacuum existat; intra, & extra tubum: Nunc quidem extrà; nempe quod ab adueniente corpore recens impletum est: nunc intrà per descensum hydrargyri: nunc absque vllò corpore extrà: nunc absque vllò corpore intrà: nunc vacuum extrà, & plenum intrà: nunc vacuum intrà, & plenum extrà. Non immoror in refutandâ conden-

Plenum exper.

fatione, quæ nullum corpus excludat ;
quam quidam volunt esse Aristotelis.
Non potest esse pars propior centro ,
quàm antea ; nisi , aut succedat in locum
alius corporis, quod expellat; aut nisi va-
cuum occupet; aut denique partem prio-
rem penetret. His enim tribus duntaxat
rationibus accedere pars ad partem po-
test. Dimensionum penetratio naturæ
legibus aduersatur: reliquum est, vt quan-
do propior fit centro pars , aut vacuum ,
de quò disputamus occupet , aut , quod
volumus, interiectum corpus excludat.
Nam , quod aliqui dicunt vnā , & ean-
dem , particulā materiæ sumptam etiam
pro indiuisibili, modò magis , modò mi-
nùs extendi per susceptionem qualitatis
secundæ speciei ; quam vocant extensio-
nem localem , non agnoscunt ij , cum
quibus de vacuo disputamus. Atque , vt
ingenuè fatear , illud non fatis intelligo.

CAPVT V.

*In spatio ab hydrargyro deserto esse
aliquod corpus.*

His maturè subductis , & expensis ,
propendeo in opinionem eam ,

quæ ait corpus aliquod, aut subsistere in tubo, aut in illum de nouo ingredi, & ab eo totum hoc spatium impleri: cuius corporis ea sit virtus, vt possit hydrargyrum sursum attrahere, seu pellere; possit eiusdem remorari motum, vel etiam sistere, si nimirum iuuetur à Graui resistente, quod per illius coniunctionem fiat æquiponderans, qualis est hydrargyrus in vasculo, vel parte retorti tubi repandâ: quod experientiâ, quam ipse vidi, notum est: possit excipere lumen in sese, idemque transfundere. Denique possit aërem, si quis in loco ab hydrargyro relicto contineatur, extendere. Hæc enim omnia spatio illi, quod quale sit inquiremus, conueniunt. Quæ, vt patet, huiusmodi sunt, vt qui attentus consideret, ea corpori tribuenda censeat, non *vacuo*; quod priuatio corporum est, merumque nihil: adeoque sine differentiis, sine partibus, sine longitudine, sine latitudine, sine profunditate: denique absque motu, vllâve actione.

Quapropter longè mihi consultius, & rationi conuenientius videbitur facere, qui fateatur in eo spatio corpus aliquod contineri, quamuis nondum quale sit,

exploratum habeat, quàm, qui neget idcirco contineri, quòd quale sit istud ignoret. Nescitur, quæ distantia sit Saturni à stellis: quis eapropter nullam esse arguet? nã ille pessimè philosophetur. Haud abludit ab huiusmodi ratiocinio, qui, quòd nesciat quale corpus, aut ingrediatur in tubum, aut subsistat in loco, quem reliquit hydrargyrus; idcirco nullum esse prorsus affirmet.

Ego verò tum experientia edoctus, tum compage, ac veluti vnione, mutuâ, quâ partes vniuersi sibi cohærent, persuasus, non dubito, quin hoc in spatio, quod vacuum quidem videtur, reapse tamen non est; insit aliquod corpus: quod, quale tandem sit; & vnde aduenerit; id ipsum nobis est in præsentia inuestigandum.

CAPVT VI.

Tria in experienciâ propositâ consideranda.

AD hanc inquisitionem compellit me consideratio supradictæ experientiae, quam in Italia factam esse primum asserunt: quâinque ego ipse (quæ

fuit D. Petit viri doctissimi, & rerum naturalium scrutatoris acerrimi) meis oculis vidi. In eâ tria inuenio notatu dignissima; Primum, quod hydrargyrus, quò iustus quatuor pedum ex superiori parte obsecratus sigillo hermetico; ex inferiori reclusus quidem, sed in hydrargyrum, qui subiecto vase continetur, immersus perpendiculariter ad horisontem, plenus est; quod, inquam, hydrargyrus superiores tubi partes deserit, ac descendit: Alterum, quod ad certam duntaxat altitudinem descendit: Tertium, quod ubi extrema illa pars reclusa emerfit ab hydrargyro, & ad regionem aquæ peruenit; tum verò simul cum aquâ hydrargyrus in superiores tubi partes ascendit: post autem paullo delabitur, & descendendo miscetur cum aquâ in ipso tubo; quæ sensim ascendens tandem hydrargyri locum omnem occupat, & tubus denique solâ duntaxat aquâ plenus existit. Horum omnium vt causas afferam; nonnulla præmitto, & aggredior ab elementorum mixtione.

CAPVT VII.

*In aëre terram, aquam, &
ignem inesse.*

SECTIO I.

Terra & aqua sunt in aëre.

QVÒD in eò, quod aërem vocamus, *Toto*, insit aliquid terræ, experimur quotidie hybernò tempore, cùm siccum est, & asperum frigus: Tum enim manibus frigidiori cælo expositis adhærescit fæx quædam terrestrium atomorum, quibus aër omnis circumfunditur, ac refrigeratur. Quòd in eodem quoque aëre admixtum sit aliquid aquæ, id quidem manifestè liquet ex cannâ ventosâ, Gallicè, *canne à vent*, ex quâ decidunt aquæ guttulæ, si magnâ, & paullo diuturniori velocitate in eam adigatur, & in eâ comprimatur aër: ex marmoris superficie, quæ tepidiori tempestate, cùm gelu soluitur, tota circumfusa aquæ guttulis madet.

SECTIO II.

Ignis elementaris est in aëre.

NEQVE verò negari etiā potest, quin multum in eodem aëre insit ignis elementaris: Ignem elementarem dico, cuius, ob tenuitatem raritatemque, particulæ per se omnem fugiunt sensum: dissimilem huius nostri, qui vibrat flammæ, qui carbonem accendit, quique in aquâ restinguitur: quæ omnia absunt ab igne elementari: huius, inquam, ignis multum aëri permixtum esse docet experientia speculi ardentis, cuius focus inflammabile corpus accendit à conjunctione radiorum, qui per aërem dispersi sunt: seu stropholi, cui adhæserunt spiritus ignei, quos aër, qui cingit ignem, inuehit secum: Et hi quidem spiritus ignei adeo crassi sunt, ut possint etiam oculis comprehendi. Videre enim est in loco cæco, ac frigido, emicantes è sudario scintillas, si modò explicatum ad ignem porrexeris: mox illo calore collecto feruidum compresseris: post extendens denudò, sæpiusque celeri manu totum perfricueris. Quòd si ignis ille noster, qui ardet in focus nostris domesticis, igneos

spiritus emittit circumquaque; Quis solem putet, quem reflexionibus, & refractionibus, multa corpora videmus inflammare; non dispergere solares spiritus in totum huius vniuersi aërem, qui proinde multum habeat ignis admixtum.

Et reverâ, cum duris solidisque corporibus, quorum contenta cum velocitate cursus est; aër atteritur; videmus ab eodem aëre existere scintillas ignis, quæ vi nimiae compressionis eruuntur: ideo, cum vehementius aërem frangimus, incalescimus repente: Quod nimirum ignis ille ab aëre discisso erumpens, & in se coactus, acrior sit, quam cum aëri admiscebatur. Cum faber lignarius terebrâ lignum perforat, incalescere sentias & lignum, & maximè terebram: nimirum quod, cum aërem illum, qui est in eô foramine, comprimat vehementius, tenuem ab eô, nec aspectabilem oculis, ignem eliciat, qui leuitate, ac subtilitate suâ propè incredibili, sese in ferrum insinuat, idemque aliquâ pinguedine, quâ magis vniatur absque sui compressione, perfusus, calefaciat. Cum alterâ manu manus altera premitur, aër interpositus discinditur vnâ cum spiriti-

bus effluentibus; inde absistunt protinùs cum aliquâ pinguedine ignei spiritus: celeritèrque diuidunt dilatando. Hinc manus repentè solitò calidiores.

SECTIO III.

*Ignis ab aëre per aëris compressionem
secernitur.*

ATQUE hic ignis ab aëre multò faciliùs, multòque tenuior, & compressior erumpit, & cum suis reliquis partibus vnitur, quàm ab ceteris corporibus, vbi, & infrequentior est, & liber minùs. Ideo corpora dura, & solida, proiecta per aërem facillè mouentur, aërem à fronte, lateribùsq; comprimèntia: quò fit, vt exprimant spiritus igneos, qui postmodum inter aërem, & corpus motum per projectionem confluentes in eum, quem motum corpus, dum progreditur vltèriùs, relinquit locum, mirâ rapiditate, celerimâque aëris priùs compressi dilatatione, feruntur in corpus proiectum, quod motum illorum moratur, illudque in vicinum aërem iterum propellunt. Hęc aëris compressio, hęc ab eò spirituum igneorum auulsio; ac postmodum unio; hęc

aëris dilatatio; hic denique motus corporis, aliâque huiusmodi, tamdiu perseverant, quamdiu vis ea sufficit ad superandam corpori innatam gravitatem, quæ in contrarium abnititur semper, ac tandem superior euadit, & projecti motus finitur.

Hinc videas, quamobrem pila, quam è rheda progrediente labi in terram finis, non cadat ad perpendiculum, sed aliquanto progrediatur versus anteriores currus partes: idque eò magis, quo velocius currus fertur. Aër omnis continuus, seu qui præcedit, seu qui circumdat, rhedam, compressus est, absistunt ab eò spiritus ignei: quòque fertur currus, illuc ruentes, & aërem per regressum dilatantes, occurrunt pilæ, eamque propellunt succedentes in locum, in quem à se recens relictum pila eos cum traxit, tùm intrusit.

SECTIO IV.

Ignis in aëre lumine comprobatur.

LV MEN, quod est in aëre, clarissimè arguit, in eo esse quosdam spiritus igneos, & solares, qui lucidi sint: quo-

quorum motus per diaphanum idipsum est, quod vocamus *lumen*. Clariùs rem explico. Per spiritum lucidum, quem quidem à corpore lucido eâ ratione distinguo, quòd corpus lucidum est illud; quod videmus; spiritus autem lucidus videri non potest. Per spiritum itaque lucidum intelligo corpusculum, quod motu suo visum afficit, id est, quò fit, vt videamus. Id autem, quò fit, vt videamus; illud est, quod figurat partem eam cerebri viuentis, quæ terminat nervos opticos exiguis his corpusculis, quæ spiritus lucidi vocantur, omninò plenos. Hæc pars cerebri viuentis est ea facultas, quam *visum* appellamus: Motus; qui hanc figuram exprimit; vulgò vocatur *luminaris*: & iis duntaxat exiguis corpusculis convenit, quæ per variationem possunt figurare *visum*. Corpus, quod pellucidum, seu diaphanum, seu perspicuum, vocamus; huiusmodi corpusculis, seu spiritibus, lucidis tenuissimis, semper est plenn: Atenim hæc corpuscula non semper agitantur variatione illâ, quam vocamus *motum luminarem*, quæ nimirum possit visum figurare: Solùmq; corpus lucidum, hoc est illuminans, verbi gratiâ, flamma,

siue aliud coloratum, & illuminatum ; potest eis huiusmodi motum luminarem tribuere: Nec secus, ac magnes ferri scobem magnetico motu circumagit, ac trahit: vicinas arenas non item. Sic flamma, siue aliud corpus lucidum, motum luminarem imprimit spiritibus lucidis: aliis nō item. Ex his colligo primū esse in aëre multos spiritus lucidos, siue solares, siue igneos ; & quidem maximè mobiles motu, quō nullus alius sensus, quā *visus* afficiatur: deinde pellucidum esse aërem: præterea, cū illi spiritus ignei sint ; ignem elementarium esse admixtum aëre: Denique ipsum ab aëre per compressionem ipsius aëris, exprimi, ac separari, non minùs, quā aquam ex spongiâ compressâ. Hunc ignem elementarium ita secretum ab aëre nostrō minùs purō voco *athera*.



CAPVT VIII.

*Aërem, ignem, & terram, in
aqua contineri.*

SECTIO PRIMA.

*Probatur experimento in aqua esse aërem,
& ab ea separari.*

MVLTIPLIX item experientia nos docet in *Toto*, quod *aquam* appellamus, inesse aërem: vnam affero, meo quidem iudicio id ipsum clarissime demonstrantem. *Quadratum* ab omni parte cubiculum quinque, aut sex, pedum adificetur: in mediâ fornice fiat canalis, cuius orificium eâ sit conformatione, quâ solet esse infundibuli. Canalis hic rotundus sit: diameter eius ad tres, aut quatuor pollices, longitudo ad quatuor pedes extendatur: descendat in cubiculi pavementum ad libellam exactum quâ rini aqua perpendiculariter fluat in medium lapidem prae durum, planum, tribus pollicibus altiore reliquo pavimento, rotundum denique, & diametri vnius pedis. A latere perforetur extremus paries, quâ pavementum attingit, ut per id foramen aqua effluat. Ex ad-

uerso fiat foramen aliud, quod supra pauimentum assurgat altitudine vnius pedis. Hoc foramen, quæ est extra parietem, circumuestiatur rotundo canali quatuor pedum, qui semper in angustum decrescat ita, ut in muro diameter quidem eius sit nouem, aut decem, pollicum; sensim verò decrescens in extremitate duorum tantum, vel trium. Aër ex hoc canali continenter egreditur impetu non remissiore, quàm quò precipitat ex iis follibus, quos in ferratis officinis, in quibus ferrum liquatur, videmus. Hic nimirum aër mixtus, & confusus cum eo Toto, quod aquam vocamus, quòdque perpendiculariter per fornicis canalem decidit, segregat se ab illâ aquâ valde compressâ lapidem inter, qui subiectus eam recipit, & aquam proximè sequentem; quæ eam vehementer propellit. Aër autem ille, aditu ab omni aliâ parte cubiculi, quod iam aëre plenum est, interclusô, inueniens canalẽ, qui est in muri pede iuxta pauimentum, apertum: propulsus insuper aëre, qui eum insequitur; dat sese, atque insinuat, in hunc canalem: indèque tantâ velocitate egreditur, quantâ, qui in magnis iis follibus duodecim pedum, & suprâ, inclusus, indidem erumpit. Neget iam ali-

quis multum esse in aquâ aërem admixtum: eûmque ab eâ separari condensatione artificio hominum procuratâ, & violentâ mixtionî elementorum, quæ mixta sic esse natura, seu bonum, vniuersi exigit. Aqua secreta, & crassior, per foramen inferius, quod est iuxta pauimentum, effluit: Aër autem item separatus exit per eum canalem, qui supra pauimentum altitudine pedis assurgit.

SECTIO II.

*Argumentum separationis ignis ab
aëre in aqua.*

ALIVS præterea effectus separationis aëris, & ætheris, ex aquæ compressione manifestè apparet in iis orbibus, qui iactu lapilli in aquam limpidam, ac tranquillam, excitantur. Tunc enim æther discretus ab aquâ compressâ lapide penetrante, sub aquæ superficie extendit se; eamque extollit in circulos continuos, sibi que perpetuò succedentes: mox in lapidis locum subiens maturat eius descensum, eum à tergo impellens, & cavitatem quandam sensibilem in aquâ efficiens.

SECTIO III.

*Discrimen inter aërem aqua permixtum
& aërem in aqua.*

ATQUE hîc quidem obseruanda ferriò est distinctio, quæ est inter aërem, qui est in aquâ (ita de cæteris elementis philosophandum est) & aërem, qui aquæ admixtus facit partem huius *Totius*, quod vocamus *aquam*: Aër in aquâ, suo iam aëre dilatatâ, per se constituit *Totum*, quod vocamus *Aërem*, quod supra aquam semper assurgit: aër aquæ admixtus cum cæteris elementis componit aliud *Totum*, quod vocamus *Aquam*: neque inde separari absque violentâ compressione aquæ potest.

SECTIO IV.

In aqua ignem, & terram inesse.

INESSE & in aquâ perinde ac cætera elementa ignem elementarium: nec vnquam ab eâ distrahi, nisi fortè si quando ipse est validior; aut propter nimiam aquæ compressionem violenter extruditur: aliis quoque experientiis compertum est. Aqua calida, præser-

tim, cùm efferuescit, plena est spiritibus igneis, quos à carbonibus, & flammis nostris accipit. Idem licet de Sole dicere respectu aquarum huius vniuersi, quibus perpetuò incubat: Idcirco noctu collucent flammis maria, quæ à nauibus, ac præduris corporibus, dum fluctus frangunt vehementiùs, eliciuntur.

Iam verò esse cum aquâ terræ aliquid admixtum, patet ex fontium canalibus, ac lapidibus quibusdam, qui, quâ perennis aquæ alueus fluit, solidam veluti crustam induunt, ex terrestribus videlicet atomis coalescentem, quæ segregantur ab aquâ dum comprimitur paullo vehementiùs.

SECTIO V.

Vnde motus aquæ in thermometro.

SENSIBILES motus aquæ in thermometro nullâ aliâ ratione explicari posse mihi videntur, quàm per ingressionem, motumque spirituum igneorum, qui ab aëre calido, vel manu calefactâ, erumpunt. Spiritus calidi, qui continuò absistunt ex manu calidâ, vel prunâ accensâ, quæ vel contigua est, vel vicina, phialæ thermometri; dilatant aërem,

qui est in tubo, insinuando se in eius poros: Hic autem aër, cùm iam ampliorem in thermometro locum occupet; propellit aquam: eamque, dum subit in eius poros, quemadmodum æther in ipsius aëris poros se insinuat; extendit. Hunc aquæ recessum ac tumorem, ipsis etiam oculis intuemur.

CAPVT IX.

*Rarefactione acquiri quantitatem;
condensatione deperdi.*

INGRESSVS ætheris in locum ab hydrargyro in tubo relictum intelligi, ac defendi, commodè non potest, quin priùs de *rarefactione*, & *condensatione* statuamus aliquid. Neque verò possunt hi duo motus explicari, densitate, ac raritate indefinitis.

Quid ergo raritas? Quid densitas?

SECTIO I.

*Quenam raritas sit terminus rarefactionis?
quenam densitas condensationis.*

HIC est æqui-uocatio, quæ primum tollenda est; deinde variæ

super hâc re sententiæ proferendæ :
Tum pronuntiandum , quid sentien-
dum sit: Denique refellenda, quæ aduer-
santur.

Densitas ergo , & raritas , æquivoca
sunt. Est enim duplex Raritas , duplex
Densitas : altera per se , altera per aliud.
Densitas per se illa dicitur , quæ per se ,
& immediatè conuenit corpori Denso :
Raritas , quæ Raro. Densitas per aliud :
quæ mediante corpore per se Denso fa-
cit Densum : quod est esse Densum per
participationem. Raritas , quæ Rarum,
Quasi dicamus ignem, verbi gratiâ , esse
rarum per se , ignea verò mixta , rara
per aliud , siue mediante igne , quem
participent.

Vtra densitas est terminus conden-
sationis? Vtra raritas rarefactionis?

SECTIO II.

*Varia de Raritate , ac Densitate
sententia.*

SVNT qui dicant Raritatem etiam
priori modo sumptam esse terminum
rarefactionis : atque adeo posse ignem ,

modò rariorem esse, modò minùs rarum. Hoc è Peripateticis docent, qui Raritatem statuunt qualitatem secundæ speciei, quam materia ignis modò admittat, modò reiiciat. Hi enim volunt igni, & rarefactionem, & Raritatem per se, & immediatè, non per aliud, conuenire. Aliorum sententia est esse aliquod corpus, cui per se conueniat raritas: non per aliud, neque per motum, qui sit rarefactio, sed per ipsius entis rari productionem, quæ sit creatio. Volunt ergo Raritatem esse ipsam entitatem corporis Rari per se, à Deo creatam.

Raritatem posteriori modo sumptam hoc est participatam, fatentur alij omnes, & conuenire mixtis corporibus, & acquiri per motum, quem vocamus Rarefactionem: atque adeo esse ipsius terminum. Eadem, utpote contrariæ, Densitatis ratio est.

Verum enim uerò, quid ista sit Mixti Raritas non conuenit inter omnes. Rarefactione docent omnes occupari, quàm antea, maiorem locum: fatenturque Raritatem esse id, quò mixti partes dilatantur, & ipsum mixtum extenditur ad maiorem locum. Nam, quod aliqui dicunt

facilem diuisibilitatem, ac mobilitatem, esse Raritatē, verum est solum quatenus Rarum naturā suā est valde mobile, ac facile diuisibile: At solum consequenter id conuenit mixto Raro: ac proinde mixtū Densum potest esse magis mobile, & facilius diuisibile, qualis est aqua respectu glaciei. Glacies enim & rarior & leuior est aqua, minùs tamen facile diuisibilis: minùs mobilis. Præterquàm quod Philosophi per facile diuisibile intelligunt humidum. Per humidum autem nō intelligunt Rarum, saltem formaliter. Quid ergo est Raritas?

Peripatetici plerique, vt modò dictum est, volunt esse qualitatem secundę speciei, & nouam entitatem eductam ex potentiā materiæ per actionem agentis naturalis, quā mixti partes extendantur: sic aiunt calorem, qui acquiratur per calefactionem, esse nouam entitatem eductam ex potentiā materiæ, quā subiectum calefiat.

Alij dicunt extensionem illam partium maiorem, aut minorem, esse maiora, vel minora, vacuola inter partes diffeminata, quibus partes inuicem distent, ac dilatentur, & in maiori spatio totum constituent.

Alij è contrariô negant vlla esse vacuola, dicuntq; partes esse immediatas : hoc autem Rarû à Dêso distingui, quòd istud habeat nonnullas partes intra partes : illud verò tantùm contiguas. Sunt etiam, qui doceant illud esse rarum, quod est valde mobile : pari enim cum aliis tempore, dum mouetur, occupat locum maiorem.

Sunt & alij, qui putent rarefieri corpus, cuius partes adueniente, & interiecto, corpore diuersæ rationis dilatentur. Et hi diuiduntur in duas classes: eorû, qui velint corpus rarefieri quocumque, etiam opacissimo, & grauissimo, corpore diuersæ rationis adueniente : & eorum, qui per aduentum rari per se corporis rara duntaxat fieri corpora, doceant. Quodnam autem sit illud corpus querendû est.

SECTIO III.

Nonnulla pramittuntur ad intelligentiam vera sententia.

ADVERTENDVM ante omnia hæc tria *Corpus*, *Quantum*, & *Extensum* differre formaliter, atque adeo definitione. *Corpus* enim definitur *Ens compositum ex partibus extra partes* : *Quantum*,

*Quod est diuisibile in ea, quæ insunt, quæque post separationem singula sint hoc aliquid. Et quidem eiusdem rationis cum toto, si Totum sit homogeneous. Extensum, quod facit, ac replet spatium. Corpus intelligi potest absque Quanto, & Quantum absque Extensio. Partes enim intelligimus extra partes nihil cogitantes de diuisibilitate, siue aptitudine ad separationem. Et partes intelligimus separabiles nihil cogitantes, seu potius nihil curantes, de spatio. Has distinctiones sola ratio facit: sensus enim absque extensione nihil percipit. Ex illâ distinctione trium formalitatum, quæ entium conueniunt, distinctionem partium in tria genera collegerunt; *Entitatiuarum*, quæ sint materiæ, seu corporis, *Quantitatiuarum*, quæ sint *Quanti*, & occupatiuarum spatij, quæ sint *Extensæ*. At quia, quàm postremarum, diuisionem aliam neque agnouit Aristoteles, neque docet experientia, neque facit agens naturale; & quia tres illæ diuisibilitates vnum sunt ens reale, vnæ actu partes; hæreamus in postremis illis partibus, indèque *Raritatis*, ac *Densitatis per se*, naturam colligamus.*

SECTIO · IV.

Vera sententia de Raro, ac Denso per se.

ITAQVE pronuntio Rarum per se, esse corpus amplæ extensionis per se: Densum, angustæ. Hæc est omnium Philosophorum prima, & communis Rari, ac Densi notio. Quid autem sit magna illa, quid parua extensio; non vna est, vt patet ex suprâ dictis, omnium sententia. In eam venio, quæ amplam, & angustam extensionem, tribuit corporibus naturâ suâ quiescentibus in amplo, & angusto loco.

Quæ sententia vt intelligatur, totum aspectabilis mundi spatium diuidit in duas partes æqualis profunditatis, quarum altera sit spatium mundi superum: altera inferum. Et quia mundus est corpus sphæricum, siue globus; (partes enim corporeæ, vt sic, omnes pari naturæ pondere in Toto suo esse prægestiunt: adeoque Totum ex iis coalescit Sphæricum. Nam cæteræ figuræ alias aliis in Extrinsecô magis, in Toto minùs, constituunt partes) & globi pars infera est circa centrum, siue medium: & pars

supera est iuxta circumferentiam, siue extremum; Inferum mundi spatium erit circa illius centrum, hoc est Medium: superum erit iuxta eiusdem circumferentiam, siue extremum: Spatium medium siue inferum mundi erit locus angustus: spatium extremum siue superum, erit amplius, ut patet ex ipsa constitutione globi.

Hæc duo loca sunt ita contraria, ut corpus, quod alterum acquirit, perdat alterum: & quod in altero quiescit naturâ suâ, in altero quiescere non possit. Illa autem duo contraria & sunt prima, Quia non sunt ex aliis; neque ex inuicem, Quia sunt contraria, & principia totius mundi. Alterum illorum dicitur amplæ extensionis, siue Rarum, quia naturâ suâ quiescit in amplo mundi loco: alterum Densum quia natura sua quiescit in angusto mundi loco: sic alterum dicitur leue, quia natura sua mouetur ad superum mundi locum: & calidum, quatenus celeriter mouet dilatando: & humidum quatenus faciliè diuiditur, alienosque admittit terminos: alterum è contrario dicitur graue, quatenus natura sua mouetur ad locum inferum:

frigidum quatenus mouet constringendo : & siccum , quatenus conseruat proprios terminos , neque admittit alienos.

Horum corporum Genus , siue materia Metaphysica est *Corpus*. Quod replebit amplum mundi spatium erit Rarum , Quod angustum ; erit Densum. Cum autem Raritas , ac Densitas , in mundo sint , vt ipsa docet experientia , non minùs quàm calor & frigus ; humor , & siccitas ; dubitari non potest ; quin aliquod sit corpus , cui per se primò conueniat Raritas , & aliud ; cui per se primò conueniat Densitas. Conuenire autem per se primò raritatem alicui corpori , est ipsum corpus tale esse per suas partes proprias ; & immediatas ; naturâ suâ tales , vnde sumatur differentia talis corporis :

Nam quemadmodum *corpus* est *corpus* per partes naturâ suâ extra partes ; ita Rarum est Rarum per suas partes naturâ suâ quiescentes in mundi loco magnæ extensionis. Et Densum est Densum per suas partes naturâ suâ quiescentes in mundi loco parux extensionis :

At vnde habent partes vt quiescant hæc in loco mundi parux extensionis ; illæ in loco

loco magnæ ? Si sermo est de existentia ; habent à Deo per creationē : quando scilicet totius mundi materiam, nempe duo corpora simplicia, ex quibus alia sunt, ut fusiùs docetur in Physica, creauit : Si de essentiâ ; habent à se. Hîc hærendum est, nec ampliùs quicquam petendum. Per quid corpus est corpus ? Per partes extra partes. Per quid partes sunt partes extra partes ? per se. Per quid homo est homo ? Per rationalitatem. Per quid rationalitas est rationalitas ? Per se. Ita, Rarum per quid est Rarum ? per partes magnę extensionis. Per quid partes sunt magnę extensionis ? Per se. Nihil præterea inquirendum. Nam genus est tale per suas differentias : Differentiæ autem tales per se.

SECTIO V.

Explicatio Rari, ac Densi per primam mundi constitutionem.

SI attendimus ad Mundi constitutionem primam, & informem, ex Globo, & Orbe concentricis paris profunditatis compositi ; *Rarum* esse dicemus Corpus constitutum spatij, quod est Orbis, *Densum* autem spatij, quod est Globus. Et quia huius Orbis ad Globum

ratio est 26. ad 1. Rarum simpliciter implebit spatium vices sexies amplius, quàm simpliciter Densum. Hæc obiter. Nam de consequentibus Rarum ac Densum agit Physica.

SECTIO VI.

Refelluntur contraria sententia.

QUID allatæ suprà sententiæ veritatis habeant, facile est ex his colligere: De Qualitate, quæ sit Raritas, ac Densitas, hoc vnum quæro, An ipsa extensa sit? Extensa non est Qualitas: sed Quantitas: non extensa, neque ad maiorem, neque ad minorem, extendit locum. Hoc argumento concludunt aliqui rarefactione acquiri quantitatem, condensatione deperdi: cui consequens est augmentationem esse rarefactionem, & condensationem diminutionem: quod verum non est. Quid per rarefactionem acquirat corpus mixtum mox dicetur.

Quæ contrà vacuum dicta sunt suprà, vacuola destruunt. Penetratio dimensionum negatur à Physicis. Corpus in motu non implet locum determinatum: hîc est sermo de loco maiori, aut minori determinato.

Guttam aquæ auri scobe grauidam minùs probabiliter dicas rarefactam: Ergo superest rarefactio per aduentum Rari per se corporis. Arridet igitur mihi sententia illorum, qui asserunt corpus simplex idem semper obtinere spatium: nec modò ampliorem locum occupare, modò angustiozem: Qui secus senserit; penetrationem corporum, aut vacuum, admittat necesse est: Penetrationem, si ampliorem locum impleat: vacuum, si angustiozem. Ita mundus, aut rarefactione redundaret, nec se totum caperet: aut non plenus ex toto, sed magna ex parte vacuus, & inanis existeret cōdensatione.

SECTIO VII.

Quomodo mixta sint Rara, ac Densa.

MIXTA eò magis, aut minùs rara sunt, eò magis, aut minùs densa, quò plus, aut minùs Ignis siue Rari per se: aut Terræ, siue Densi per se, in se continent.

His consequens est corpus, quod conflatum est ex igne, & terrâ, partim rarum esse; partim densum. Si quid ei de igne detrahis; si ad Terram addis aliquid,

huiusmodi corpus condensas: sin autem terram ab igne omnino segregas; hinc Densum per se, hinc Rarum; hoc est, hinc Terram, hinc Ignem habebis: hinc enim per ignem intelligo Rarum per se, Densum per se, per Terram.

SECTIO VIII.

Errandi circa rarefactionem & condensationem quæ sit occasio.

DVCI^T autem plerosque, incautosque pellicit, ut absque decessione corporis, aut accessione ullâ novâ, putent idem corpus, modò ampliore, modò breuiore spatio definiri; hæc ratio: Quòd nimirum sensu non percipiant, quale demum sit corpus, quod corpora dū condensantur, aut rarefiunt; amittunt, vel acquirunt de nouo. Sed nimirum hallucinatur sensus; Rationis autem est, ac prudentiæ nostræ, errores sensuum emendare. Non comprehendit sensus, quale corpus insit in folle tumidò: At enim inesse tamen in eo corpus aliquod Ratio decernit: nempe, quod obsistat prementi, nec discindi se, aut penetrari patiatur: quæ cū ita se habere cogno-

nie ratio ; tum demum , quale sit istud corpus inuestigat : tandèmq̃ certis argumentis eò deducitur, vt aërem esse statuat. Haud absimiliter vbi semel per phialam vitream transfundi lumen aduertimus ; inesse in ea corpus aliquod pellucidum facilè intelligimus. Quemadmodum autem tum inflatur follis, cùm in eum ingreditur Aër , qui sub oculos non cadit; Et è contrariò, cùm idem Aër ab eò discedit , tum ponit tumorem suum ; Ita corpus mixtum tumet quodammodo , & ampliorem locum occupat, cùm plenum est corpore quodam, quod aciem oculorum nostrorum fugit : tunc autem veluti detumet , ac minori loco continetur , cùm ab illo inuisibili corpore destituitur.

Si partes materiales eiusdem corporis nunc remotiores inuicem , nunc propiores esse possent , absque eò quod corpus aliquod , aut intermedium intercederet de nouo , aut intercedens remoueretur ; profectò raritas earum partium semper , atque adeo non per accidens. (quod enim semper fit à naturâ , per se fit) condensaret vicinum corpus : Densitas autem rarefaceret : alioqui necessariò

admittendum esset vacuum, aut penetratio dimensionum.

CAPVT X.

Elementa esse inuicem permixta.

EX supradictis experientiis ratiocinio declaratis, & confirmatis, notum est, quod omnes docent elementa esse mixta, & confusa. Et hæc quidem elementorum in hoc vniuerso mixtio faciliùs intelligitur ex compositione aquæ cum spongiâ, de quâ postmodum: & liquoribus, quos humores vocant, mixtis in venis, arteriis, aliisque corporis nostri cauitatibus.

Firmamenti, siderum, ac planetarum, Solis præcipuè, motus manifestè ostendunt ita esse commixta inter se elementa, vt nulla cuiuspiam ex illis assignari pars possit, in quâ non alia quoque elementa, vtcumque tandem, saltem aliquâ ex parte, contineantur. Sol per orbem vniuersum perpetuò dispergit spiritus solares, qui perenni, atque inuiso, motu omnia corpora iugiter inuicem miscent, ad bonum huius vniuersi: quemadmodum Cor spiritus vitales per totum

corpus fundit, qui omnia constanti motu miscent, ac miscendo temperant ad ipsius corporis tuendam valetudinem, ac promouendam perfectionem.

Corpus fluidum, si partibus constaret homogeneis, vno duntaxat motu eodem tempore ferretur: Atqui docet experientia, aërem præsertim, variis simul agitari motibus. Cui consequens est inesse in eo quoddam aliud corpus, & aliud principium, à quo his motibus afficiatur. Istud autem ego corpus secretum voco *æthera*: nam in aëre dicitur *aër*; aqua in aquâ; Terra in Terrâ, sicut aqua permista, & confusa cum spongiâ dicitur spongia.

CAPVT XI.

In corporibus esse poros.

EX hac elementorum mistione efficitur esse in iis multos, cósque tenues meatus: atque *auri* quidem, quanquam ipsum densissimum est, videntur non contemnendæ magnitudinis in perspicillii iis, per quæ vulgò pulices, ac minutiora animalcula, intuemur. Præterea sonus, quem vitrum edit, dum percutitur,

C iiij

ostendit in eius poris aëris multū latere.

Tremor item, qui, aut ipse sonus est, aut certè soni causa, eundem aërem esse tenuissimum indicat. Cū autem angustissimi sint huiusmodi meatus; necesse est, ut quod in eos insinuat corpus, illud sit subtilissimum.

CAPVT XII.

*Locum ab vno relictum occupari
ab alio corpore.*

MULTIPLICI quoque, & quotidianâ, experienciâ compertum habemus, locum ab vno corpore nunquam deseri, quin ab eo, siue immediate, siue mediante alio corpore, in eundem ipsum locum aliud corpus substituat. Quodcumque corpus in hoc vniuerso locum mutat, quemadmodum inde, quò fertur, excludit aliud; sic & aliud eò, vnde abit; vel trahit, vel pellit, seu potius alterum pellit, alterum trahit: alterum per se, alterum per accidens: trahit quidem, quia corpus ab omni corpore nunquam separatur, quæ est vnio naturalis corporum, ut corporum, in hoc vniuerso: Pellit autem, quia pellit cor-

pus, in cuius locum transit, vel mediatè, vel mediantè alio corpore, quod pellat proximè. Aliquando pulsionis principium magis emicat; aliquando tractiōnis. Aqua per aspirationem magis trahitur, quàm pellatur: Aqua lapilli decidentis locum occupans magis pellitur, quàm trahatur.

Est & aliud principium occupationis loci ab alio derelicti: nempe intrinsecum, & naturale occupanti. In hoc negotio primum totiùs motùs principium est perpendendum: Qualitas item pulsio corporis, & tracti: fluida vulgo dicimus trahi, pelli consistentia: Vtraque licet pellantur, ac trahantur. Hoc ut certum maneat, atque indubitatum; numquam in mundo corpus de loco in locum transferri, quin, vel ipsum aperiat sibi locum aliud pellendo, vel ipsi aperiat à recedente corpore. Si locus non aperitur, sistuntur omnia. Quæ quidem, si esset aliquid in natura rerum inane; procul dubio aliter se haberent. Corpus enim, & vacuum impleret, & abiret à vacuo, nullò aliò impulsò corpore: nullò à suâ sede extrusò, siue immediatè, siue per interiacentia corpora, quæ suò motu im-

20.

E
E
E
E
E
E
 pertiret. His autem refragatur experientia quotidiana corporum, quæ inuicem propellunt, & attrahunt. Adde, quod ex eâ de vacuo sententiâ necesse sit asserere spatium omne, quod vulgò *locum* vocamus, vacuum esse, & inane. Quæ si vera sunt; vacuum utique aliquid ubique existat: cum, & ubique locum mutant corpora, & ubique mutare possint. Hæc mutua locorum in orbem permutatio causam, & originem habet, ex alterâ quidem parte, quòd circumscriptos habeant singula corpora suos limites, regionemque definitam sic prorsus, ut nec in eodem loco duo corpora, nec ullus locus absque aliquo corpore, salvis naturæ legibus esse possint: Ex alterâ autem, Quod mundus sit plenus omnino.

CAPUT XIII.

Mundi plenitudo probatur.

HÆC plenitudo, ac perfectio Totius corporci, qui mundus vulgò dicitur; probatur ex naturâ elementorum, quæ omnino nihil vacuum relinquerent, si hoc vniuersum componerent absque ullâ mixtione, eoque ordine, quò

vniuscuiusque eorum natura exigit. Cohærent enim sibi omnes elementorum partes, non alio constrictæ vinculo, quàm propensione quâdam naturali, quâ Toti suo colligantur. Elementa verò tota sibi inuicem connecterentur ad mouentē sibi ea inuicem naturali inclinatione, quâ vnumquodque appetit occupare locum naturæ suæ congruentem. Aqua nimirum nullo interiacente corpore, terræ insidere, aërique substerni: Aër, exstare quidem super aquam, igni verò elementario, siue ætheri, subiici. Ita implicatis, connexisque sibi inuicem huius vniuersi partibus, nihil vacuum, nihil inane remaneret. Atqui certum est neq; corpora mixta, quæ ex quatuor elementis conflantur, neq; mixtionem elementorum, quæ sit, conseruatúrque ab sideribus, planetis, ipsóque adeò sole, per ipsorum motus, diffusionémque spirituum, non obstare, quò minùs ad tantum spatium extendantur elementa mixta, & confusa, ad quantum diffunderentur distincta, & separata, cùm nihil de ipsorum materia & quantitate, per mixtionem, & confusionem depereat. Duo scyphi, quorum alter frigidâ, alter mero,

plenus sit, siue immisceas alterum alteri,
siue vtrumque separes, si nihil de sua
quantitate siue materia deperdant; tan-
tumdem spatij semper occupant.

Neque idcirco velim diffiteri tres scy-
phos, quorum vnus aqua limpida, alter
sale armoniaco, nitro tertius plenus sit;
posse in eundem scyphum infundi abs-
que eo, quod exundet. Id autem non pro-
uenit ex vacuolis, vt aiunt, dissemina-
tis, quæ repleantur ab superfufo, seu ni-
tro, seu sale armoniaco. Nam corpus in
vacuo semel constitutum nullatenus
communicaret cum cæteris corporibus,
seu cælestibus, seu terrestribus; neque
verò illinc egrederetur vnquam; cuius
enim, amabo, virtute posset erui? Id,
inquam, non inde proficiscitur: sed à spi-
ritibus lunaribus, solaribus, saturniis,
aliisque, quibus hic inferior mundus sca-
tet: qui quidem illinc, veluti ex angu-
stis carceris, erumpunt in libertatem as-
serti per motum, & coniunctionem aque,
salis, ac nitri: locumque faciunt parti-
culis corporum vnitorum, quæ illuc vel
fluunt, vel intruduntur seu mediatè, seu
immediatè ab iis spiritibus, qui locum his
particulis facientes, in locum earum ex-

tra scyphum subierunt. His consequens est particulas horum trium corporum in scypho remanentes, esse quàm antea multò coniunctiores.

CAPVT XIV.

Rationis aquæ ad spongiam cum ratione ætheris ad aërem comparatio.

HACTENVS ostensum est, vel ipsis experimentis, elementa mixta esse: poris distingui corpora: nullum moueri corpus, quin aliud in ipsius locum moueatur, siue ab eo pulsum, siue tractum, siue aliunde motum: huius rei causam præcipuam esse mundi perfectionem corpoream, seu plenitudinem: quæ omnia ad experientiarum, quarum causas hîc inquirimus, intelligentiâ necessaria sunt. Verùm illa nostram de vacuo sententiam minùs oculis, vt ita dicam, subiiciunt, quàm rationis aquæ ad spongiam cum ratione ætheris ad aërem, comparatio, quam hîc instituo.

Motus projectorum; calefactio per motum localem, ignis in strophio ex flamma, vel carbone collectus: erumpens noctu ex equarum, & felium con-

frictione, & vndarū maris agitatione: reflexio solidorum corporum: motus varius fluidorū: motus elastarum: motus luminaris, quem vocamus illuminationē. Hęc omnia, & alia quā plurima, quæ per ætheris mixtionem cum aëre, & eiusdem ab eo constricto secretionem facillimè explicantur, neque absque illis explicari possunt; eundem faciunt horum duorum corporum & confusionem, & segregationem. At quia duo illa corpora nobis inuisa sunt, eorum habitudines ad visibilia spongiam, & aquam transferamus.

Primò ergo, Quemadmodum spongia constricta, aquā, cuius est capax multam partem vacua, & ipsi contigua, si relinquitur sibi, hoc est, nullo impeditur corpore, aquam in suos poros per suarum partium dilatationem, admittet, ac veluti compellet; Sic aër compressus æthere multam partem vacuus, & ipsi contiguus, nullo corpore impeditus, ipsum multò celerius, quàm spongia frigidam, includet in suos poros per suarum partium dilatationem.

Huius partium & in spongiâ, & in aëre, dilatationis causa est ætheris in utriusque poris residui motus; sine quò

motu, nisi adsit impedimentum, nunquā est in mundo : tum quia nusquam est in proprio loco naturali : tum quia semper à sole, & aliis cælestibus corporibus, motum aliquem participat. Nam statim atque partium ipsarum constrictio per remotionem corporis comprimētis ablata est ; ætheris pars in poris residua mouetur, simulque siue aëris, siue spongiæ, in quibus latet, particulas mouet : Harum motu, in locum, qui à particulis inuicem recedentibus relinquitur, aqua quidem in spongiam ; æther autem in aërem admouetur.

211

Secundò, quemadmodum aqua ex spongiâ expressa, per grauitatem suam mouetur deorsum, nisi adsit impedimentum : sic æther ex aëre expressus, per leuitatem suam, si liber est, sursum fertur.

Vt illustrentur hæ, & aliæ, spongiæ, & aëris ; aquæ, & ætheris, similitudines, fiat hæc hypothesis.

Amplum, & vndique obturatum, vas impleat spongia naturali suâ dilatatione sic, vt nulla sit in totâ vasis intercapedine pars vbi aqua non sit cum spongiâ. Vas aërea mundi spatia referat : aërem spongia : aqua ætherem.

Quemadmodum in illo vase vbique esset aqua, vbique spongia, sic in aëreis mundi spatiis, æther vbique est; ær vbique.

Quemadmodum vas non minùs plenum esset constrictâ, quàm dilatatâ spongiâ; quia locum ab eâ relictum implet aqua ex illâ per compressionem expressa; Ita mundus non minùs est aëre constrictô, quàm dilatatô, plenus; Quia locum ab eo relictum, æther ex illo per compressionem secretus, occupat.

Quemadmodum per compressionem spongia minorem in vase locum teneret; sic ær compressus, minus in mundo replet spatium.

Vt autem ad rem nostram propiùs accedamus; Tubum angustis foraminibùs vbique perforatum, horizonti perpendicularem, extremo superiore clausum, inferiore apertum, hydrargyro plenum, fingamus in vase, per mediam erectum spongiam: Tum hydrargyrus extubo per os inferius in substratam aquâ dilatatæ spongiæ partem descendat; quid continget? Aqua ex spongiâ expressa, non ipsa spongia, sequetur hydrargyrum, & ipsius locum occupabit, tum tracta tum pulsa.

Tra-

Trahitur ab hydrargyro descendēte propter vnionem: pellitur ab eodem: quia subiectam premit spongiā, vnde aqua per angusta tubi foramina in tubum ipsum pellitur. Particula spongiæ, si quā reperiatur in tubo constricta, statim ab adueniente aquā intumescet. Si tubus aqua plenus aliò per spongiā transferatur; spongiæ partem, in quam transibit, comprimet, & ex ea frigidam eliciet, quæ ad partem spongiæ à tubo relictam refluet, eamque dilatabit.





P L E N V M
EXPERIMENTIS NOVIS
CONFIRMATVM.

P A R S P O S T E R I O R.

CAPVT PRIMVM.

*Responsio ad quæsitâ super experien-
tiâ propositâ.*

EX dictis hætenus eruendæ sunt re-
sponfiones ad quæsitâ.

SECTIO I.

Responsio ad primum.



AD primum itaque responden-
dum est Ab hydrargyro descen-
dente per suam grauitatem, in
locum ab eô relictum æthera, cùm trahi,
tùm pelli. Trahi quidem per naturam in
mundo corpoream, quâ sic vniuntur cor-

pora, ut vnum ab omnibus nequeat auelli: (Quorum contiguorum promptissima est ad motum natura, qualis hîc est ætheris; ea trahuntur in locum abscedentis) Pelli autem hac ratione. Qui est in subiecto vase hydrargyrus à descendente ex tubo sursum impellitur: hic aërem in altum erigit, qui tubo circumfunditur. Ex hoc aëre ad latera tubi appulsio, & constrictio, quod in eo subtile magis, ac tenue, continetur; illud, ut aqua ex spongiâ, per compressionem, elicitur. Nam premi corpus, aliud nihil est, quam adiuuere sibi inuicem, atque applicari eiusdem partes, excludendo corpus aliquod, quod intermediò dilatabantur, ac separabantur à sese. Hoc autem subtile corpus ætherem esse statuo. Æther igitur ab aëre expressus impellitur in locum relictum ab eo, qui latebat in poris: hic autem in locum ab hydrargyro in tubo destitutum. Quæ quidem omnia fiunt eodem tempore, dum videlicet hydrargyrus descendit.

Quod igitur in tubum penetrauit corpus, illud est æther: ingressus per vitri meatus: & tractus ab hydrargyro ex tubo descendente, & pulsus ab hydrargyro

vasculi, quem hydrargyrus tubi fursum extulit. Horum omnium causam primam, & originem habet grauitas.

SECTIO II.

Responsio ad secundum.

IAM aggredior ad difficultatem secundam, quam sic enodo. Quæritur, cur hydrargyrus, cum ad duos vique pedes, ac tres pollices, descenderit; repente subsistat? Expendamus velut ad trutinam, hydrargyrum, qui est in tubo, cum altero, qui est in vase. Si, qui est in vase, præponderet alteri; deprimatur ipse necesse est & alterum erigat, quemadmodum in bilance fieri videmus: contra verò, si, qui est in tubo grauior actu sit, quàm, qui est in vase; feretur ille quidem deorsum, sursum autem attollet eum, qui est in vase, donec in æquilibrio constiterint. Quod quidem hic, cum inæqualis sit superficies vtriusque ad horisontem parallela, tum existit, cum hydrargyrus, qui est in vase, inferior est duobus pedibus, ac pollicibus tribus cò, qui est in tubò. Hæc autem inæqualitas superficiei ex eo na-

scitur, quod hydrargyrus, qui est in tubo, non habet eam actum grauitatem, ut æquare possit superficiem suam superficiem illius, qui est in vase. Huius autem minoris in hydrargyro tubi grauitationis duæ sunt causæ: Altera sustentatio per ætheris leuitatem: quomodo ab aspirante aquam per tubum aliquando sustinetur aqua per aërem contiguum fursum à spiritu motum: Altera, grauitatio maior in vasis hydrargyro nostro aëri, qui grauis est, non autem ætheri, qui leuis est subiecto. Nostrum hunc aërem, quem ducimus, quique hydrargyro, qui est in vase, incubat, grauem esse inficiabitur nemo, qui appenderit cannas, quas vento graues ignearum fistularum more plumbeos globulos eiaculari scimus. Si inquam, eas appenderit primùm, cum inanes sunt, deinde iterum, vbi ventos concepere; Tum enim intelliget profectò ex inæqualitate ponderis esse in aëre pondus aliquod, quod & ipsa sensuum æstimatione possit percipi.

Ætheris leuitate sustentari fursum hydrargyrum vel ex hoc intelligi potest: quod vbi extollitur tubus ex hydrargyro vasis, hydrargyrus tubi fursum feratur,

non ab alio, quàm ab æthere seu trahente, seu pellente, suâ leuitatione. Ergo antea retinebatur ab eodem, nempe cum vasis hydrargyrus motui sursùm diuisionem partium inferenti, per naturalem vnionem obsistebat. Hydrargyrus ergo vasculi, & grauitate suâ descensionem ex tubo prohibet, quam nimirum sequeretur eius ascensio grauitationi contraria; & vnione naturali partium in Toto ascensionem in tubum, cui separatio cōsequens est. Hæret ergo medius inter æthera, & superficiem inferioris hydrargyri, ac veluti suspensus in tubo hydrargyrus, quando leuitatio ætheris superioris, ita cum inferioris hydrargyri grauitatione componitur, vt neutra sit superior: Quod hîc in trium digitorum supra duos pedes ab hydrargyri subiecti superficie distantia reperitur.

Si tubus ita constitutus aut erigatur, aut deprimatur, aut aliò transferatur; quem circumfusus relinquet aërem, dilatabit: quem acquireret, comprimet egressu ætheris, aut ingressu.

Si tubus latior est, non magis inde mouebitur hydrargyrus: quia copia resistentis, ac sustinentis in vasculo maior est.

SECTIO III.

Cur æther in tubo non calefaciat.

Æ THER in tubo non calefacit: Quia calefactione (quæ motus ætheris est à lucido, vel pinguedine, primùm constricti: deinde per naturalem impetum, in contiguum corpus, quod ab eo celeriter dilatatur, atque adeo calefit, erumpentis) non mouetur. Si æther ex corpore multùm constipante multus erumpat in aërem; multum edit strepitum, vt patet in auro fulminante: & multum facit calorem.

SECTIO IV.

Multo ætheri subiectus hydrargyrus non est leuior in tubo, quàm subiectus paucò.

Æ THER alia corpora sursum mouet, ac rarefacit. Sursum mouet, quando ad locum à centro mundi remotiorem mouet: Rarefacit; quando in omnem dilatat partem. Contigua, quæ potest, sursum mouet grauias: rarefacit aërem vicinum, ac densarum: vtrumque præstat à se, vel ab aliò, motus.

Æther in tubum ab hydrargyro descendente inclusus, ad vtrumque paratus est: quia semper ab aëre circumfuso retrahitur in actum primò; cuius actus secundus est ra-

refactio aëris: & eleuatio, vel detentio gra-
 uis contigui. Hæc igitur detentio, siue ele-
 uatio, non est ab æthere, qui contiguo sit
 superior, atque adeo remotus ab eleuatô,
 vel detentô hydrargyrô, retractusque non
 sursum, sed ad latus. Quantus ergo cumque
 sit; nihilô magis hydrargyrum, aut eleuabit;
 aut retinebit. Ergo multo ætheri subiectus
 hydrargyrus non est leuior in tubo, quàm
 subiectus paucò. Leuis enim dicitur hy-
 drargyrus, quando sursum vel trahitur, vel
 retinetur: & hæc ab æthere tractio, seu de-
 tentio hydrargyri vocatur leuitatio, quate-
 nus opponitur hydrargyri grauitationi.
 Cum autem hæc ætheris actiua leuitatio
 aliud nihil sit, quàm retractio ab aëre con-
 densato, & extra partium figuram natura-
 lem, (de quâ cap. 11. huius partis ab assert.
 12. ad 20.) posito; vt reperiatur æquilibriû,
 quò hydrargyrus & æther in tubo contigui
 retinent, ac retinentur, inuicem; conside-
 randa est aëris tubo adhærentis, & circum-
 fusi, atque respondentis parti ætheris hy-
 drargyro contiguæ, retractio, non sursum,
 sed ad latus, nempe ad reparandam rarita-
 tem naturalem: & componenda cum hy-
 drargyri grauitatione. Si retractio, & gra-
 uitatio sint æquales, sistentur æther & hy-
 drargyrus in tubô (quò cum peruentum est

primùm; aliquot hinc, & inde recipiuntur victoriæ. Cùm superat aër; ascendit hydrargyrus: cùm hydrargyrus, descendit) Si gravitatio retractione sit maior; hydrargyrus descendet, & aër densabitur: Si minor; ascendet, & aër rarefiet.

Iamverò quemadmodum successivè tractus est in tubum æther ab hydrargyro descendente, & aër illi respondens condensatus, à summo ad imum per mediū quamdiu gravitatio maior fuit, quàm retractio: ita quamdiu retractio parti ætheris hydrargyro contiguæ respondentis aëris circumfusi maior est hydrargyri cōtigni gravitatione, hydrargyrus ipse sursum retrahitur, nimirū ab aëre circumfuso raritatē suam successivè ab imo ad summum per medium reparante.

Maiores autem, cæteris paribus, est gravitatio, quò longior est corporis gravitantis linea directionis: quæ est cō longior, quò maior est inter extremum illius corporis mundi centro obuersum, & alterum ei directè oppositum, distantia.

SECTIO V.

Hydrargyrus in tubo subiectus aëri sit minor.

AEREM circumfusum descendens aër tubo clausus minùs condensat, quàm hydrargyrus: quia descensus aëris, etiam ab

hydrargyro tracti, minoris est velocitatis, quàm solius hydrargyri, proindèque minùs intensam, licèt extensam magis, facit in aëre condensationem. Ergo tractio ætheris in tubum minùs aëri circumfuso violenta. Ergo minor grauitatio in hydrargyro sufficit ad æqualitatem cum tractione. Maior hydrargyri copia cum aëre pari celeriorē facit descensum: ergo per longiorem tubum, cæteris paribus, aër in tubo magis intensam in circumfuso faciet densitatem. Ergo minùs descēdet hydrargyrus. Tractionem, quæ est ab aëre circumfuso minuunt lintea calida, ergo magis descendit hydrargyrus: augent frigidâ madida, ergo exsurgit hydrargyrus. Quia ut illa minuunt cōdensationem; sic illam ista augent in aëre circūfuso.

Alia quoque potest afferri ratio, maximè si breuior sit tubus: nempe rarefactio aëris inclusi versùs hydrargyrum per aduentum ætheris. Quod videre est in thermometro, etiam horisonti parallelo: ibi enim aqua repellitur ab æthere ex manu calidâ, vel prunâ accensâ, per lagunculam in thermometrum effluente, cōque peruadente ipsius aquæ partes, dilatatur: non versùs lagunculam: quia inde per ingredientem æthera pellitur: sed versùs aërem alteri extremo, seu lagunculæ re-

confirmatum.

52

pandæ propiorem, qui ab aquâ illâ contiguâ, sicut hydrargyrus ab aëre contiguo, atque dilatato, remouetur.

SECTIO VI.

Aër in tubo iunctus atheri dilatatur.

ITAQVE maior hic hydrargyri descensus non est ab eius grauitate simpliciter, sicut is, quô mouetur absente aëre: sed etiam, & maximè, ab aëris dilatatione. Quæ dilatatio non ita pridem comprobata est experimento nouo: quô vesicula piscis, aëre tota fere vacuata, sic intumuit in æthere posita, ut pænè disrumperetur. Hic tumor aliunde non est, quàm ab æthere partes aëris in vesiculâ residui peruadente.

SECTIO VII.

*Aëri motum elastice conuenire, & canne
ventosæ glandis explosionem.*

EX dictis facile est colligere per hanc aëris distentionem vicina impeti corpora (impetus enim est latio petentis, & petiti corporis ex fluidi celeri

dilatatione, quam eiusdem constrictio violenta præcesserit) : Quòdque plerique nunc asserunt, elasticum aëri conuenire motum, quò dilatetur per abscessum comprimentis. Illud manifestum est in cannâ ventosâ; ex quâ per aërem compressum, ætherâq; inde expressum, & circumfusum, sublatô corporis comprimentis impedimentô, loca sua, nempe vacuatos, & constrictos aëris poros repetentem, magno impetu glans extruditur.

Maiores hydrargyri tubi propter aquam descensus, grauitati ipsius aquæ potius, quàm dilatationi, videtur esse tribuendus: licet enim ab æthere ipsa dilatetur aliquantulum, vt patet in thermometrô; hîc tamen, vbi moderatior est æthereorum spirituum motus, nulla deprehenditur aquæ distensio.

Hi spiritus ætherei per corporum poros dispersi, quia tenuissimi sunt, tamque subtiles, vt omnem sensum per se sumpti fugiant; concipiuntur à quibusdam, & quidem viris alioquin cruditis, vt vacuola disseminata. Hôc ab illis differimus, quòd ipsi nihil concipiant, adeoque nihil dicant; nihilque multas, ac mirabi-

uamuis tubi
et longi: et
que maxima
tendit ex aqua

les tribuant actiones , & Differentias.
(*Nihil enim vacuum est.*) Nos verò concipiamus corpus ; de corpore loquamur : & eius naturam , proprietates , & actiones per experimenta disquiramus.

SECTIO VIII.

Responsio ad tertium quæsitum.

TERTIVM ex iis, quæ notatu digna in hâc experienciâ diximus, est hydrargyrum in locum ætheris & trahi , & compelli : quod quidem accidit, cùm os tubi in aquam immergitur. Enimverò tum æther hydrargyrum sibi subiectum , & contiguum, minúsque grauem, utpote separatam à vasis hydrargyro; sursum trahit, pellitque mediantibus aëre, & aquâ: impositum enim sibi , & proximum aërem in aquam impellit , aquam in hydrargyrum , hydrargyrum denique in locum , quem recens reliquit : sed, ut est hydrargyrus aquâ longè grauior, vbi primum ab aquâ dumtaxat impellitur, eandem fursùm in suum ipsius locum abigit: aquæ autem locum ipse deorsum occupat : ita tubus aquâ dumtaxat plenus existit.

Esse autem in æthere eam vim, vt gra-
uia corpora & sursum trahere, & in suum
ipsius locum compingere valeat; liquet
ex chirurgicis instrumentis, quæ voca-
mus cucurbitas, Gallicè *ventouses*. Hic
enim ignis absistens è vitri meatibus æ-
rem contiguum, ac superiorem pellit,
inferiorem trahit: vterque & pulsus, &
tractus, carnem, & sanguinem post sca-
rificationem, in cucurbitam, hic tra-
hit, ille impellit. Huius loci mutationis
primum principium est leuitas ætheris,
siue Ignis.

Idem experiri licet in scypho, si pri-
mum ardentem exigua chartam in
eum immiseris; mox inuersum repofue-
ris in orbe aquâ pleno: Tum enim ille ig-
nis, non aspectabilis quidem oculis, &
sensus pænè omnes ob nimiam raritatem
præteruolans, subiectum & contiguum
sibi ærem sursum mouet, impositum pel-
lit: sic autem excitatus ær aquam sub vi-
trum mouet. Argumentum secretionis
ætheris per inflammationem in cucurbi-
tis est aqua decidens ex cucurbitæ lateri-
bus. Illa enim primum confusa cum aëre,
& in ipso delitescens vnà cum æthere,
deinde per separationem ætheris, &

aëris, vnitur, apparet, ac decidit.

Hæc prima experientia de tubo hydrargyri pleno primùm in Italia facta est: reliquas omnes Dominus Pascal filius, qui primus eas in vulgus edidit, iis verbis còque ordine prosequitur.

EXPERIENTIA PRIMA.

SIPHONIS vitrei (Gallicè syringue de verre) aptissimo, & ad imum depresso clausi embolo (Gallicè Piston) in aquam penitus immersi, digito embolo contiguò foramen obturetur, toto brachio eam ob rem in aquam demerso. Embolus à digito facile diuellitur, cum interim aqua in eius locum minimè succedat. Tum verò inest quidam dolor in digito, quò veluti compellitur, ut locum embolo destitutum subeat: qui quidem embolus locum deserit, qui vacuus videri possit, cum nullum corpus in eius locum videatur successisse, omni videlicet ex parte circumcinctum frigidà, cui tamen ad eum via non patuit, adiutū nimirum interclusò. Quod si embolum retrahas ulterius; maius quidem spatium inane videtur esse: non tamen idcirco digitus violentius attrahitur. Sin autem totus ferè siphon trahatur ex aqua sic, ut summum dynstaxat

foramen alluatur, amoueatúrque digitus; tum aqua violento motu sursùm fertur, & in locum omnem ab embolo destitutum ascendit.

CAPVT II.

Experientia declaratio.

ISTVD experimentum quatuor continet. Primum, *Aquam in siphonem, seu diabeten, non ingredi.* Secundum; *Affici dolore quodam digitum, cùm primùm extrahitur embolus.* Tertium, *Non insendi dolorem, cùm longius idem embolus auellitur.* Quartum, *Ex aquâ siphone extractô, in ipsâ remanente solô extremô, quô pertusus est; amotô in super digitô, quô obturabatur; ferri aquam sursùm motu natura sua contrario, & diabeten omnem replere.*

SECTIO I.

Responsio ad primum.

AD primum: Tenendum est, quod iam demonstraui supra; nimirum esse in aqua aërem: In aëre Ignem elementarium, qui secerni possit ab aquâ, æthérque fieri: qui insinuet in diabeten,
per

per eius meatus, cùm ascendens embolus ipsum contiguum allicit, & superioris corporis locum assumens, illud impellit: quod impulsum vicissim aquam agit versus siphonem: quæ densata siphonem inter, ac partes proximas propellentes ac propulsas, ætherem exprimit, eoque impellit, quò se porrigit locus embolo destitutus. Facilem autem in siphonem aditum ætheri facit embolus, dum ipsum ad se trahit. Iam ergo abundè exploratum nobis est, quale sit illud corpus, quò siphon repletur: quod primum se nobis inuestigandum proposuit.

SECTIO II.

Responsio ad secundum & tertium.

DE secundo, ac tertio, sic argumentor. Quò digitus afficitur dolore, cùm detrahitur embolus; is ex eo nascitur, quòd digitum ad se ipse embolus æthere mediante, vela aëre, vel etiam aquâ, trahit, pellitque, in siphonem. Qui dolor tum remittit, cùm corpus, quod allectum, & impulsum in siphonem, viam ad ingressum captat; alios aditus nanciscitur, quibus in eum insinuat sese: Quod tum evenit, cùm altiùs in siphonem pe-

E

netrauit embolus, longé que diffitus est à digitô, quô foramen obturatur.

SECTIO III.

Responsio ad quartum.

AD quartum (aquam nimirum sursum ferri contra naturam suam) dico ætherem, qui est in siphone, subtilem, ac vagum, innatâque leuitate procliuem ad motum: agitatum insuper à spiritibus solaribus, qui iugiter à sole diffunduntur, quemadmodum per omnes corporis partes disperguntur vitales; atq; adeo qui, nisi retineatur à contiguo, quod vel trahere, vel pellere non possit; locû semper mutet; hunc, inquam, æthera vehementi per vitri meatus impetu perpetuò transpirare, vbi primùm dat se facultas mutandi loci; & quâ potest, tum alliciendo, tum pellendo, vicinum, hoc, & illud, corpus, in suam illud sedem abigere. Quæ quidem facultas a motô digitô primùm offertur. Tum enim sublata remora liber ad motum est æther: habet enim, quod trahat, & impellat, nempe aquam, in locum, quem relinquit: simulque se illi aperit locus, in quem mo-

ueatur: nempe quem, siue tracta, siue pulsa, corpora derelinquunt.

SECUNDA EXPERIENTIA, & eius declaratio.

SECUNDA Experientia eodem, quò prima, proponitur modò. Pro siphone verò, siue syringe, supponitur follis, diligèter omni ex parte clausus, ac circumseptus: qui iisdem adhibitis conditionibus eosdem, quos siphon, euentus habet.

Hinc autem disces esse & in corio poros: Quod adeò verum est, vt ne vllum quidem sit corpus in rerum natura, quantumuis densum, & constipatum in sese, quin suos meatus habeat.

TERTIA EXPERIENTIA.

TERTIA experientia. Impleatur aqua, vel potiùs vino purpureo, quò manifestius appareat; tubus vitreus quadraginta sex pedum, cuius extremum quidem alterum apertum sit: alterum sigillo hermetico obseratum: Extremum, quod reclusum est, tum obturetur: His factis, erigatur tubus ad horisontem perpendiculariter sic, vt extremum, quod obturandum diximus, in subiectum vas aqua plenum ad vnus pe-

dis altitudinem immersum referetur; nullâ morâ descendet vinum è tubo ad altitudinem triginta duorum pedum circiter, effundeturque lapsu perpetuô, miscebiturque cum aquâ vasis, quam sensim inficiet, deferensque partes tubi superiores, relinquet spatium pedum circiter tredecim, quod vacuum appareat.

Si tubus inclinetur; ut vini, quod est in tubô hac inclinatione decrescit altitudo, ita vinum sursum, unde fluxerat, redit donec pervenerit ad triginta duorum pedum altitudinem, prorsus ut omnino repleatur tubus, tantumdemq; aquæ resorbeat, quantum effuderat vini. Itaq; videas eum plenum merô à summô ad decimum tertium pedē: ab parte infimâ his à pedibus tredecim aquâ vino infectâ repleti.

CAPVT III.

Experientia declaratio per æquilibrium.

ATQVE hæc ego, quemadmodum de hydrargyro suprâ dixi, ita nunc fieri omnia arbitror ob proportionem, quæ intercedit inter gravitatem aquæ, quæ est & in tubo, & in vase: & levitatem, atque efficaciam summam ætheris, qui est in eodem tubo.

Pollices aliquot supra duos pedes constituunt in æquilibrio hydrargyrum, qui est in tubo, cum eò, qui est in vasculo, & cum æthere: ad constituendam autem aquam eam, quæ est in tubò, in æquilibrio, cum æthere, & aquâ, quæ est in vase; aqua tubi assurgere debet pedes triginta duos supra superficiem aquæ, quæ est in vase. Hæc autem proportio si dissoluatur, siue immodicè crescente, siue decrescente, nimum aquæ, quæ est in tubo, altitudine, quâ vasis aquæ debet eminere; tùm verò ether vel deorsum fertur, vel sursum euolat: vel trahit, ac pellit, vel trahitur, ac pellitur.

Hic autem per *æquilibrium*, siue aquæ, siue hydrargyri, cum æthere in tubo, ne intelligas duo corpora, quæ librent inuicem libellâ mediante; hoc est, æquipoherent: Illa enim corpora singula suam habent lineam directionis, tertiamque mediam, & communem: &, si alterum alteri præponderet, illud in suam directionis lineam adducet: verum intellige corpora duo in eadem lineâ directionis posita, alterum superum, alterum inferum, quæ tractioni mutux, locique mutationi, resistent inuicem, &

æqualiter ; alterum leuitate , grauitate alterum. Prius æquilibrium conuenit potius aquæ , & hydrargyro , tubi cum aquâ , & hydrargyro vasis ; in superficiebus , non autem in directionis lineâ , comparatis. Horum enim æquilibrium est in superficiebus inæqualitate priuatio mutua descensûs , & ascensûs.

Itaque per *Æquilibrium* intelligendum est vniuersè mutuum localis motûs impedimentum in duobus : aut grauitatis eiusdem cum diuersâ lineâ directionis , & æqualitate , vel inæqualitate , superficiebus : aut in eâdem lineâ directionis ; æqualis resistentiæ per leuitatem , & grauitatem. Illa duo sunt , vel duo Totæ : vel duæ Totius partes.

QVARTA EXPERIENTIA.

QVARTA experientia sic habet. Siphon scalenus cuius crus oblongius extēditur ad quinquaginta pedes , contractius ad quadraginta quinque duntaxat , pertinet ; aquâ omnino plenus , obturatō utroque extremō , & in duo vasa aquâ plena ad pedis altitudinem immersō , constituatur perpendiculariter ad horisontem sic , ut superficies aquæ , quæ est in

altero vasorū totis quinq; pedibus exstet supra superficiem aquæ, quæ est in vase altero. His ita constitutis, si duo extrema referentur simul; Crus oblongius aquam ad se non attrahet, ex contractiori crure; multâque proinde minus eam, quæ est in vase subiecto: Quin potius simut ab utroque crure aqua defluet in vas utramque ad eam altitudinem, quam in supra memorato tubo designauimus: æstimando scilicet altitudinem à superficie utriusque vasis. At siphone infra altitudinem triginta circiter, & unius pedis, depressio; crus oblongius allicit ad se aquam ex breuiori crure. Si verò supra memoratam altitudinem rursus erigatur; attractio cessabit: in vas sibi subiectum crus utrumque delabatur: è contrariò si deprimatur iterum; iterum quoque crus oblongius aquam, quæ est in breuiore, ad se pertrahet.

CAPVT IV.

De motu aquæ per siphonem.

NIHIL habet hæc experientia singulare, & eximium, ab eâ, quam proximè excussimus, præter attractionem aquæ ab vno latere siphonis in aliud; quæ tum sit, cum deprimatur siphon infra tri-

ginta, & vnus circiter pedis altitudinem. Descensus, & assultus, aquæ per siphonem iam olim familiari experientia compertus est.

SECTIO PRIMA.

Huius motus causa.

HABET autem originem ex innatâ propensione partium in Totum suum: Totius verò in locum sibi conuenientem, & naturæ legibus assignatum. Partes totius liquidi, & ob grauitatem fluxi, ac labilis, cuiusmodi est aqua; cuius libera est superficies, hoc est aëri cōtiguo substrata; si modò æquis spatiis recedant à centrô terræ; ita suis sunt libratae ponderibus, itaq; innituntur inuicem, vt stabili semper quiete pro se quæq; gaudeat: vnâ autē duntaxat constituent Totius, quod sit extra locum naturæ suæ congruentem, graitationem: Quemadmodum partes solidi, & grauis, corporis; si modò ab innata grauitate fertur; vnâ, eandemque efficiunt graitationem in eâdem lineâ directionis.

Iam verò, si pars aliqua Totius huius fluidi, & grauis, subiecta sit superfici, &

quæ remotior sit aliis à mundi centro ; tum verò pars illa toto grauitatis suæ pondere agit in alias , quippe , quæ altior sit in aëre , & à centro remotior ; adeoque defluit : discedit ab aëre , Toti suo se applicat , illudque auget , quousque omni ex parte libera superficies æqua sit : nempe cum accessione suâ mutare non possit reliquas figuræ partes : Quod clarèprehendas in aquâ vase contentâ. Ex quò efficitur fursum ferri partes inferiores , dum superior descendit , donec plana omnino , & æqua sit superficies libera , communis quidem cunctis partibus ; Totius autem propria. Ita in corpore solido , quod innatâ grauitate deorsum agitur , si qua pars extra lineam directionis agat centrum grauitatis ; ipsa mutatur , mutâtque alias , easque fursum mouet , dum fit inferior : ipsam etiam Totius intendit graitationem , dum centrum illius grauitatis collocat in linea directionis. Si ergo Totius fluidi , verbi gratiâ , aquæ , partes proprio motu , ac spontaneo , agantur ; erunt profectò nonnullæ , quarum superficies remotior à centro sit , quàm aliarum , & quibus inerit ea vis , vt alias pellere tamdiu possint , donec

æqua sit omnium superficies libera : quæ autem ad superiora ferentur compulsæ à deorsum tendentibus , aërem in ipsarum locum intrudent.

Præter hunc motum partium aquæ , quarum alias aliæ in superiora compellunt , est & alter à corpore prorsus ab aquâ diuersô , quod eam , & ad ascensum , & ad descensum compellit.

SECTIO II.

Duplex siphon , & explanatio prioris.

QUO clariùs pateat ille motus aquæ per siphones , duo siphonum genera mihi depingo : alterum eorum , quorum extremum superius apertum sit , inferius verò desinat in apicem : alterum è contrariô eorum , quorum inferius extremum reſeratum sit ; superius fingatur in cuneum. Ac de primis quidem haud difficilis est quæstio. Quippe aqua alterius cruris , cùm superficiem habeat altiore , quàm altera ; sursùm compellet inferiorem discedendo nimirum ab aëre , applicando se Toti suo , illudque in altero crure tantùm augendo , quantum necesse est , vt superficies prorsus æqua sit.

confirmatum.

Hac ratione, quantum ascendit; tantum & descendit aqua: & ex se constat Totum homogœneum sub eâdem superficie liberâ.

SECTIO III.

Explicatio posterioris.

DE siphone alterô, vt varios, ac multiplices habet motus; ita grauior agitur difficultas. Aquæ per illum fluenti semperque sibi cohærenti, duplex assignanda est via, duplex transitus. Moueri illam innatâ grauitate certû est: ac proinde ex loco remotiore à centro terræ, in viciniorē concedere. Dum autem viam hanc affectat, primûm quidem descendit illa: deinde ad ascensum compellitur: denique iterum descendit. Termini duo, in quorum alterô descendendi finem facit, vt sursum ascendat; in alterô ascendendi, vt deorsum tendat; sunt in duobus extremis contractioris cruris, in quod aqua ingreditur per extremum inferius; per superius autem egreditur. In primum quidem, inferius videlicet, extremum vbi primûm pars aquæ deuenit, inhihetur à siphone, quominus vlteriùs descendat: instante verò,

Plenum exper.

245 *¶* urgente à tergô viciniore parte, mutat locum; non descendendo: id enim siphon prohibet: non iter confectum relegendo: indidem enim ulterius compellitur. Quid ergo? Ascendit illa nimirum coacta, hinc vicinâ parte pellente, hinc siphone viam omnē ad descensum intercludente. Compellitur item ab æthere, qui ab eâ dum comprimitur, absistit: cùmque ipse medius existat siphonem inter solidum, & immobilem, & aquam; eam abigit in altum, quò tùm nimirum tendere potest. Perinde de subsequenti-
bus aquæ partibus argumentandum est, quæ perpetuò in eius locum subeunt, eamque propellunt eò, vnde necessario est descendendum. Illuc autem, si locus assurgat altiùs superficie liberâ totius aquæ impellentis; numquam perueniet absque eò, quod ab aliò corpore, vel trahatur, vel impellatur. Ita, cùm ascendit aqua per aspirationem; Aër (seu quodlibet aliud corpus motum à corpore, quod aspirat) utpote tractus, pulsusque trahit, ac pellit aquam, eamque sursum fert ab eò locò, in quem per vicinæ partis gravitatem compellitur; ad extremum vsque siphonis apicem: Inde verò

innatâ propensione delabitur inferiùs, nisi partium grauitantium in contrarium locum obftet vnio, cuius vinculum sit strictius, quàm vt eâ inclinatione solui possit; aut fortè nullus se locus explicet, quò valeat defluere. Si motus adusque locum inferiorem superficie Totius perseueret; motus per totum siphonem erit conueniens aquæ naturæ; tamdiuq; persistabit, quamdiu superficies partis per crus siphonis oblongius delabentis inferior erit superficie aquæ, in quam crus alterum immergitur.

Aio verò motum hunc omnem aquæ naturæ congruere: quippe qui fiat ob ingentiam à naturâ partium vnionem: quanquam non vno eodémq; modo. Pars altera immediatè pulsatur; altera intermedio corpore, cuius in locû descendendo succedit. Aqua, in quam crus breuius immersû est, immediatè propellit ad æqualitatem vsque superficiei suæ: eam nimirum obrationem, *Quod partes Totius liquidi, ac fluidi, per grauitatem suam conciliantur, & conueniunt sub vnâ Totius liberâ superficie æquis spatiis ab centro terræ distitâ:* Aqua verò, quæ est in crure oblongiori idcirco delabitur, *Quòd aqua qualibet,*

cui immediatè substratus est aër , provocatur ad descensum : Quæ duo sunt principia ab his prioribus & generalioribus deducta , Quòd nimirum pars Toti suo coherere appetit : Quòd Totum nature suæ debitum locum occupare prægestit. Aquæ autem conueniens hic est , qui subest aëri. Adde his comprobata[m] usu , ac solidis superiùs argumentis firmatam opinionem , quæ ait nimirum corpus nullum in hoc mundo cedere locò suò , quin aliud corpus in eundem aut attrahat , aut propellat. Cui consequens est Toti fluido , quod est in siphone , mutanti locum suum , ac defluenti per cruris oblongioris extremum ; corpus aliud in eius locum necessariò succedere. Illud autem corpus aër est contiguus aquæ in crus contractius ex vase delabenti , cui succedit is , cuius locum occupat aqua ex longiore crure defluens. Itaque motûs aëris in aquæ locum succedentis tria sunt principia , Grauitas propria , Aquatrahens , & Aër pellens. Principium autem primum huius , aquæ , & aëris motûs est aquæ Grauitas : Descensus aperit & claudit motum.

SECTIO IV.

Quid necessarium sit, ut motus perseveret.

IN crure longiori consideranda est aquæ pars, quæ æquale veluti pondus habeat cum eâ, quæ est in crure contractiori, eâdem ab horifonte distantia. Ut hæc ponderum æquitas inuiolata perseveret, requiritur primùm, ut strictius sit vnitarum inter se partium, ac veluti pensilium, vinculum, quàm ut solui possit earumdem innatâ gravitate. Certum est enim, si huiusmodi libratarum partium, ac sibi mutuò innitentium, efficacior sit gravitas, & maiorem agendi vim habeat, quàm ipsa earumdem vnio; hanc illarum connexionem dissolutum iri. Si eidem filo è trochleâ pendulo duo annexa corpora æquis deorsùm ferrentur ponderibus, utique quiescerent illa eodem à terrâ spatio diffita, quamdiu satis esset in filo virtutis, ut eorum motum inhiberet, & obfisteret gravitati. Simul autem ac filum fragilius scinderetur, continuò deciderent illa duo corpora; vnumquodque in suum locum: nisi fortè aliâ quâpiam virtute retinerentur. Haud absumi-

liter, quamdiu vnio partium aquæ, quæ continet in æquilibrio eas, quarum intra siphonis apicem eadem est grauitatio; satis habet in se virium, vt impediat, obnitente quantumuis grauitate, & in inferiora tendente; quô minùs partes inuicem distrahantur; tamdiu æquilibrium permanet: mouetúrque pars altera, quæ est iuxta foramen cruris oblongioris à superioribus ad inferiora: conseruatúrque æquilibrium motu partium, quæ ex ostio cruris contractioris insinuant in os oblongioris: Quæ mutatio substituens partes in locum præeuntium, & effluentium, fouet, & conseruat, æquilibrium. Simul autem ac grauitas ambarum partium suis suspensarum ponderibus efficaciorē virtutem habet, quàm innata propensio, quā illigantur inuicem, & in Totius compositionem coalescunt; suis vtraque lateribus defluit, nisi fortè quādam virtute inhibeat.

SECTIO V.

*Quid fiat, quando sub athere soluitur
vnio partium aquæ.*

QUOD tum fit, cū grauitas plus-
quàm triginta duorum pedum est.
Tum

Tum enim soluit vnionem partium ; adeoque descendunt illæ suis singulæ canalibus : subit autem à tergo æther ab aëre secretus. Hæc autem seductio, & separatio fit per aquæ grauitatem, quæ, cum eam ad loci mutationem impellit, cogit insuper vt inuadat in locum alicuius corporis, quod in suum ipsa locum trahat, ac pellat. Illud autem est æther ; tractus quidem, qui clausus vitri meatibus, & aquæ descendentis proximus est : pulsus autem, qui ab eadem aërem, in cuius locum irruit, in tubum protrudente secernitur primùm ; deinde in tubum pellitur. Si corpus, quod ab aqua defluente in locum ab eâ relictum abigendum esset ; obnitatur vehementiùs, locumque suum validiùs propugnet, quàm vt possit deiici virtute motrici aquæ, quæ absque eâ obsistentiâ mutaret locum suum ; nulla mutatio loci, nulla fiet extrusio. Sin autem efficacior sit grauitas aquæ, quàm, aut vnio partium, aut corporis expellendi obsistentia ; defluet tum demùm aqua, &, diuortio factò duas in partes, diducetur. Idcirco grauitas aquæ triginta duos pedes excedentis, deorsum eam præcipitat in locum cor-

poris illius, (nempe ætheris) quod in suum ipsa inducit. Quòd si inualidior est leuitas ætheris, quàm obsistentia corporis, cuius in locum subire deberet illò exactò seu mediàtè, seu immediatè, in locum, quem recens obtinebat; non ascendet quidem æther.

In eo autem casu, quò fingimus aquam, quæ est in tubo, triginta duobus pedibus exstare supra eam, quæ vase subiecto continetur; nullum corpus ascendet, descendet nullum. Non descendet aqua tubi: prohibetur enim tum ab eâ, quæ est in vase; tum ab æthere, qui tractioni deorsum leuitate suâ obsistit. Non ascendit æther: nec enim eius in locum præ suâ grauitate aqua potest ascendere.

SECTIO VI.

Quæstiuncula de motu aquæ per siphonem.

EX iis omnibus facilis est responsio ad quæstiones de motu aquæ per siphonem. Prima. Cur aqua, quæ est in contràctiori crure adusque siphonis apicem ascendit? R. Quoniam illuc trahitur, & compellitur ab eâ, quæ est in cru-

re oblongiori. Secunda. Cur eò trahitur, ac pellitur? R. Trahitur, Quia, quæ æqua est in crure oblongiori, ea deorsum tendit: atque descendendo post se alteram sibi unitam attrahit: Pellitur, Quòd aqua cruris oblongioris descendendo locum occupet aëris; quia aër expulsum aquam, quæ est in vase impellit: Illa autem rursus eam, quæ est in contractiori crure. Tertia. Cur aqua, quæ est in crure oblongiori descendit potius, quàm, quæ est in breuiori? R. Quia grauitas longioris est maior. Quarta. Cur illa grauitas maior est? R. Quoniam longitudo illius superficie coactæ latiùs patet, quàm ea, quæ est à superficie liberâ vasis ad summum siphonem. Quinta. Cur latiùs patet hæc longitudo? R. Quia longius est interuallum ab siphonis apice ad aditum vsque longioris cruris, quàm à superficie liberâ ad apicem siphonis. Quò verò maior est hæc longitudo superficie coactæ perpendiculariter ad horisontē, eò maior est grauitatio, vt docet experientia; & euincit Ratio, Quâ scimus lineam directionis plenam, ac terminatam, corpore grauitante; quò longior est, eò, cæteris paribus, esse

graviorem: seu magis grauitare. Vnius enim lineæ directionis vna est grauitatio, ergo plurium plures: & maioris maior: Si enim sicut vnum ad vnum, ita multa ad multa; magni, & magni diuisibilis vna erit ratio. Si magnum tria contineat, magnum æquale tria continebit: alioqui Ratio vnus & vnus; multorum, & multorum, non erit vna. Sic grauitans impositum grauitanti graitationem auget.

QVINTA EXPERIENTIA.

QVINTA experientia. Per tubum pedum quindecim aqua plenum, & sigillò hermetico altero extremo pariter obseratum, ducatur funis pedum item prope quindecim, à quo filum ita pendeat, ut præter ipsum, quò nimirum funis extrahi possit, nihil sit extra tubum. Immergatur in hydrargyrum apertum os tubi. Tum vero paulatim retrahatur funis: aqua ipsius locum in summo tubo replebit, hydrargyrus item paulatim subibit in tubum. Extrahatur iterum funis, hydrargyrus in altitudine trium digitorum supra duos pedes composita ex ipso, & decima quarta parte aqua subsistet: si præterea funis extrahatur; spatium super aquam appa-

rebit in tubo vacuum. Si verò inclinetur tubus; hydrargyrus, qui est in vase, tubum ingreditur: Quinetiam, si quantum par est, inclinetur; tubum videas aquâ, & hydrargyro plenum, quæ communi impetu, vique magnâ summum tubum verberant eodem strepitu, quò si vitrum frangeretur: Quod quidem non est extra omne periculum: re enim verâ tantum non frangitur.

CAPUT V.

Explicatur experientia.

NON erit operosus labor in explanandis difficultatibus, quæ ex hoc experimento deduci possunt: si modò dixerimus funem eodem momentò temporis, quò è tubo discedit, aquam in suum locum compellere: cum autem nulum aliud corpus finitimum habeat, quod faciliùs in eiusdem aquæ locum subire possit, quàm hydrargyrus; eum fursùm euehit ad altitudinem necessariam grauitationi, quâ medius sit inter æthera, & vasis hydrargyrum: quando nimirum ita levis est vt sit grauior æthere, & simul ita grauis, vt sit leuior hydrargyro, qui est in vasculo.

F iij

neam directionis longiorem grauitet magis, tum ad se trahet in tubum æthera ex ipsius tubi poris, & in illius ætheris locum, mouendo sursùm vasis hydrargyrum, compellet æthera, qui reperitur in aëre tubo circumfusô. Si per inclinationem tubi linea directionis fiat breuior, atque adeo grauitatio minor; superabit hydrargyrus in vase, & hydrargyrum in tubum repellet: superabit quoque leuitas ætheris, adeoque hydrargyrus, & aqua sursùm ferentur.

SEXTA EXPERIENTIA.

SIRINX cum embolo quàm poterit aptissimo, ad imum depressô immergatur in hydrargyrum ita, vt eius orificium ad pollicis altitudinem circumquaque cinctum sit hydrargyro: reliqua autem sirinx foris perpendiculariter erecta sit. Si retrahatur embolus, diabete, seu siringe, Gallicè siringue, eundem statum tenente, per siringis os insinuat hydrargyrus, ac ponè subit ad tres digitos supra duos pedes: Si vltius extrahatur embolus, sistit hydrargyrus, neque embolum subsequitur, apparètque vacuum inter hydrargyrum, & embolum; quod cè extenditur magis, quò magis embo-

lus retrahitur; libenter crediderim idem quoque fieri in haustro hydraulico per aspirationem: in eoque aquam ad triginta duntaxat, & unius pedis, altitudinem ascendere: quæ quidem respondet altitudini trium digitorum supra duos pedes hydrargyri.

Notandum verò hæc est diabeten ad tres pollices supra duos pedes hydrargyro plenum semper eiusdem esse ponderis, siue multum, siue paucum siue nullum sit spatium, quod videtur inane.

CAPUT VI.

Quid novi habeat ista experientia.

HÆC experientia firmat omnia, quæ hætenus dicta sunt: nullamque nouam quæstionem inuehit, præter eam, quæ institui potest de fixingis æquali pondere, siue multo, siue paucò, repleatur æthere: qui quidem æther nec ipse pondus habet aliorum corporum; nec addit quicquam eorum ponderi, neque de illo detrahit: quemadmodum aer, nisi cogatur aliunde, siue multus, siue paucus; neque auget, neque minuit grauitationem trabis in aquâ natantis.

SEPTIMA EXPERIENTIA.

IMPLEATUR *hydrargyro siphon vitreus,* cuius alterum crus pedum sit decem; alterum verò nouem cum dimidio. Immergatur ad pollicis altitudinem in duo vasa subiecta plena *hydrargyro* ita, ut superficies quidem *hydrargyri*, qui est in vno crure altior sit pede dimidio superficie alterius. Tum verò, si siphon erectus sit ad perpendicularum; crus oblongius non allicit ad se *hydrargyrum*, qui est in contractiore: sed *hydrargyrus* in utroque latere diuellens inferiores partes à superioribus, magnâ vi defluit per utrumque crus, & in utrumque vas labitur: neque, dum ad scilicet illam, ac legitimam altitudinem trium digitorum supra duos pedes à superficie *hydrargyri*, qui est in utroque vase, perueniat; decidere non cessat. Siphon inclinetur, *hydrargyrus*, qui utroque vase continetur, sursum fertur in utrumque siphonis latus; illud replet, ac tandem à latere breuiori defluit in longius.

CAPVT VII.

Ista experientia cum quarta comparanda, vt intelligatur.

HÆC experientia eadem est cum eâ, quam quartam ordine fusè suprà persequuti sumus: Aquam dumtaxat in hydrargyrum commutat: Idcirco parcopla in eam rem dicere.

OCTAVA EXPERIENTIA.

IDEM siphon aquâ repleatur omninò: funisque per eum ita plenum ducatur, vt suprà experientiâ quintâ. Immergantur duo extrema in duo vasa plena hydrargyro. Cum funis per alterum extremorum trahitur; hydrargyrus ex utroque vase in virumque siphonis latus ita fertur, vt decima quarta pars altitudinis aque vtriusque lateris cum altitudine hydrargyri, qui ascendit, non fiat maior tribus supra duos pedes digitis. Si enim per tractionem funis excesserit; superiores aque partes inuicem dirimentur, ac decedentes inane spatium relinquere videbuntur.

CAPVT. VIII.

Comparanda est cum quinta.

ISTA quoque experientia tantam habet affinitatem cum quintâ, quam explorauimus accuratè, vt qui alteram intelligat, cum quoque alteram intelligere necesse sit. Itaque supersedeo pluribus de eâdem re differere.

CAPVT. IX.

Ex dictis nonnulla colliguntur.

HIC autem totius operis scopus, ac præcipuus finis, quem spectauimus, fuit, vt primùm stabiliremus altè iam infixam vniuscuiusque animo, vulgòque præceptam opinionem, quæ negat in hoc vniuerso posse vacuum quicquam existere, naturæ saltem viribus. Neque verò obstat formarum corporearum (quæ ab vnione, atque proportionè Rari ac Densi, causam, & originem habent: quemadmodû à variis coloribus, aptis penicilli ductibus, ipsâque adeo pictoris arte temperatis, in vnâ formam coalescentibus, vna adumbratur imago)

non obstat inquam diuersitas formarum, quò minùs vnum sint in ratione corporis omnia corpora, mutuisque sibi inuicem vinculis connectantur.

Deinde, quod omnes penè Philoſophi naturales agnoſcunt, eſſe quatuor elementa: & ea quidem, ſaltem apud nos, impura, hoc eſt, ita permixta, vt nulla ipſorum ſenſibilis pars ab illà confuſione ſit immunis: Aëri tamen ætheris, ſiue ignis elementarij, plus ineſſe, quàm reliquis elementis.

Denique, vt quæ propiùs ætheris naturam, & eiufdem ab aëre diſtinctionem, ſpectarent; ex nouis, & in medium productis experimentis aliqua delibaremus.

1. Per ætheris admiſſionem aërem dilatari, condēſari autem per eiufdem abſceſſum: Quod facilè explicatur exemplo ſpongiæ cum aquâ compoſitæ.

2. Quemadmodum enatantia corpora magis grauitant aquę ſubiecta, quàm aëri; ita liquores exiſtantes ſupra liquorem eiufdem rationis ſuſtinentem, grauitare magis aëri ſubiectos, quàm ætheri.

3. Qui liquores ætheri contigui ſunt eiufdem grauitationis cum liquore ſuſtinnente, eos, neque trahi ſurſum ab æthe-

re, neque pelli: neque ab iis deorsum æthera, vel trahi, vel pelli: quemadmodum trabes in aquâ summâ natantes, neque trahuntur sursum ab aëre, neque pelluntur: neque ab iis aër deorsum.

4. Qui liquores ætheri contigui maioris, quàm sustinens, grauitationis sunt; ab iis trahi deorsum, ac pelli æthera: qui minoris; eos ab æthere sursum trahi, ac pelli. Magis grauitant, quorum linea directionis ad æquilibrium necessaria fit maior: minùs, quorum minor.

5. Ætheri multa conuenire, quæ negantur aëri. 1. Quod in flammâ dominatur, æther est; non aër. 2. Quod per suam ipsius leuitatem sursum mouet liquores etiam grauissimos æther est, non aër. 3. Quod fluidis, & grauib; liquoribus supra alios eiusdem rationis vel modicò interuallò exstantibus, continuis, & immotis, incubat, æther est, non aër. 4. Quod vitri, & aliorum huiusmodi corporum poros facillè permeat; æther est; non aër. Ergo æther non est aër.

CAPVT X.

De Mundo simplici, & naturali.

PONVNTVR hîc ad calcem huius opusculi aliquot Assertiones, quæ doctrinam hætenus traditam & illustant, & confirmant.

Per *mundum simplicem* intelligo mundum non mixtum, atque adeo mundum sine actione. Per *mixtum*; Totum ex partibus, quarum altera motum, quem exigat alterius natura, impediat: adeoque non sit sine actione. Per *mundum naturalem*; Totum ex partibus habentibus naturam. Per *naturam*; Principium motûs, & quietis, eius, in quô est per se. Per *motum*, qui est à naturâ; motum primum, vniuersalissimum, ac notissimum, scilicet localem. Per *quietem* consistentiam in loco. His positis sit

PRIMA ASSERTIO.

MVNDVS *absque mixtione*, quô nempe statu primùm creatus est à Deo, est *Totum extensum, plenum, impenetrabile, & sphericum*. Probatur. Mundus est *Totum*, Quia componitur ex partibus: *Exten-*

sum, Quia componitur ex partibus extra partes: *Plenum*: Quia partes componunt, seu faciunt, Totum, quatenus uniuntur: *Impenetrabile*, Quia partes sunt extra partes. *Sphericum*, Quia componitur ex partibus æqualiter inclinatis ad suum Totum: Quæ compositio conuenit soli figuræ sphæricæ: nam aliæ alias aliis in Extrinsecò magis, in Toto minùs constituunt partes.

SECUNDA ASSERTIO.

MVNDVS *adaquatè*, & *sphæricè*, diuiditur in *Orbem*, & *Globum*, concentricos. Probat. Quia Totum sphæricum *adaquatè*, & *sphæricè* diuiditur in *Orbem*, & *Globum* concentricos: (nam *adaquatè*, & *sphæricè*, diuiditur in *Peripheriam*, & *Centrum*, hoc est in corpus iuxta peripheriam, & corpus circa centrum: hoc autem est diuidi, primum in *Orbem*, & *Globum*, concentricos: Orbis enim, & Globus concentrici sunt corpus iuxta peripheriam, & corpus circa centrum, eiusdem Totius sphærici: deinde *adaquatè*: Quia nihil est Totius sphærici, quod non contineatur in *Orbe*, vel *Globo* concentricis, & ipsum

Totum componentibus: Denique *sphæricè*: Quia per talem diuisionem figura sphærica non destruitur. Orbis enim, & Globi figura sphærica est.) Atqui mundus est Totum sphæricum. Igitur Mundus adæquatè, & sphæricè, diuiditur in Orbem, & Globum, concentricos.

TERTIA ASSERTIO.

ORBIS, & Globus Mundi sunt paris profunditatis. Probatur. Quæ component æqualiter Mundum vt sphæricum sunt paris profunditatis. Sed Orbis, & Globus mundi component æqualiter mundum vt sphæricum: (Nam corpus sphæricum, vt sphæricum, æqualiter componitur ex peripheriâ, & centrô, nempe ex corpore pertinente ad peripheriam, & alterô pertinente ad centrum, si æquè vtrumque ad peripheriam, & centrum pertineat. Hoc est, Quantum alterum est remotum à primâ peripheriâ, tantum alterum distet à primô centrô. Æquè autem pertinent nisi adsit impedimentum, seu ratio, per quam alterum magis, alterum minus distet; Quod impedimentum, seu ratio non ap-

paret in mundo sine mixtione, cùm peripheriam & centrum æquè participet vt sphæricus.) Igitur Orbis, & Globus, mundi sunt paris profunditatis. Hanc assertionem propono, vt magis probabilem eâ, quæ affirmaret inæqualitatem. Colligere autem ex mundi statu, qui nunc est, facile est, profunditatem Globi, si non est æqualis Orbis profunditati, eâ saltem non esse maiorem. Cælestia enim spatia, quæ Mundi sine mixtione Orbem componunt, quàm Terrea, quæ Globum, (*In principio creauit Deus caelum, & Terram*, inquit Moses cap. 1. Gen.) si non magis, certè non minùs profunda sunt. Parem eligo profunditatem: Quia prima, & naturalis diuisio corporis finiti, si nihil repugnet, est in partes æquales; adeoque diuisio prima, naturalis & sphærica mundi sine mixtione fieri debet in partes eiusdem profunditatis: quasi radium Totius sphærici, quod mundum appellamus, in duas partes æquales diuidamus.

QUARTA ASSERTIO.

ORBIS mundi maior est eiusdem Globo saltem vices sexies. Probatur.
Quia

Quia non est minoris profunditatis, ut patet ex assert. præced. Hæc autem est Orbis ad Globum concentricum paris profunditatis proportio: nempe 7. ad 1.

QVINTA ASSERTIO.

ORBIS mundi componitur ex partibus eiusdem secum naturæ, & diuersæ à partibus Globi. Probatur. Et quidem quòd Orbis mundi sine mistione componatur ex partibus eiusdem secum rationis, manifestum est ex illò mundi statu, qui non habet alia, quàm simplicia, & homogenea corpora.

Quòd verò partes Orbis diuersæ sint naturæ à partibus Globi, sic probatur. In mundo sunt partes mobiles per naturam. ergo in mundo sunt duo corpora diuersæ naturæ. Si enim partes mundi omnes eiusdem essent naturæ, non essent mobiles in mundo per naturam: Quia vbique naturâ suâ quiescerent in mundo. ergo non essent naturâ suâ mobiles in mundo. At illæ partes naturâ suâ mobiles in mundo sunt partes, ex quibus componuntur Orbis, & Globus mundi. Ergo partes, ex quibus componitur mundi Orbis sunt diuersæ naturæ à partibus Globi.

SEXTA ASSERTIO.

D V O sunt in mundo loca opposita. Probatum. Spatium, in quo possibilis est motus localis naturalis, est spatium, quod necessariò continet duo loca opposita, quorum alter sit naturalis terminus, ad quem naturâ suâ per motum suum accedat mobile: alter autem sit terminus, à quò per naturam suam recedat idem mobile. Illa autem duo loca sunt opposita.

Sed mundus est spatium, in quo possibilis est motus localis naturalis, ex assert. præc. Ergo mundus est spatium, quod necessariò continet duo loca opposita. Ergo duo sunt in mundo loca opposita.

SEPTIMA ASSERTIO.

L O C A mundi opposita sunt, alter circa centrum, alter iuxta circumferentiam. Probatum. Quia in Toto sphærico non sunt alia loca opposita. Quicquid enim est in Toto sphærico, est vel iuxta peripheriam, vel circa centrum.

OCTAVA ASSERTIO.

L O C V S Orbis in mundo est locus am-

plus, & superus : & locus Globi est angustus & inferus. Probatur. Locus iuxta peripheriam corporis sphaerici, nempe mundi, est locus in illo corpore, siue mundo, amplius, & superus : & locus circa centrum est locus angustus, & inferus. Atqui locus Orbis in mundo est iuxta illius peripheriam, & locus Globi iuxta centrum. Igitur locus Orbis in mundo est locus amplius & superus, & locus Globi est angustus, & inferus.

NONA ASSERTIO.

PARTES Orbem mundi componentes sunt raræ, & leues: Partes Globi Densæ, & graues. Probatur. Quæ partes naturâ suâ mouentur ad locum amplum, & in eo quiescunt, sunt raræ; & quæ ad locum superum; sunt leues: quæ ad locum angustum; sunt densæ: quæ ad locum inferum; sunt graues. Atqui partes Orbem mundi componentes naturâ suâ mouentur ad locum amplum, & superum, nempe ad locum naturalem Totius homogenei, cuius naturæ sunt: & partes Globum componentes ad locum angustum & inferum, tanquam ad locum proprium, & naturalem in mundo sui Totius homoge-

nei, nempe cum quô sunt eiusdem naturæ. Ergo partes Orbem mundi componentes sunt Raræ, & Leues : Globum verò componentes sunt Densæ, & Graues.

DECIMA ASSERTIO.

PARTES Orbem mundi naturâ suâ componētes, in amplum spatium per se dilatantur : Componentes autem Globum in angustum spatium per se constringuntur. Probatur. Quæ partes per motum naturalem recedunt inuicem, per se in amplum spatium dilatantur : quæ accedunt, in angustum constringuntur. Sed partes Orbem mundi naturâ suâ componentes, recedunt inuicem per motum naturalem : & quæ Globum ; accedunt. Ergo partes Orbem mundi naturâ suâ componentes in amplum spatium per se dilatantur : componentes autem Globum in angustum spatium per se constringuntur.

Quando igitur in angustum spatium constringuntur Partes Orbem mundi componentes, ab aliô constringuntur : & quando in amplum spatium partes Globi dilatantur ; ab alio dilatantur.

VNDECIMA ASSERTIO.

PARTES Orbem mundi componentes sunt humida; componentes Globum sicca. Probatur. Quæ ad figuram constringuntur ab alio, neque seruant propriam ipsi contigua, dicuntur humida: Quæ suam præsentem contiguam conseruant, ipsamque ad illam constringunt; appellantur sicca. Sed partes Orbem mundi componentes ad figuram constringuntur ab alio, neque ipsi contiguæ conseruant propriam: & partes Globum componentes suam præsentem contiguam conseruant, ipsamque ad illam constringunt: ergo partes Orbem mundi componentes sunt humida, & partes Globum componentes sicca.

DVODECIMA ASSERTIO.

PARTES Orbem mundi componentes sunt calida, seu calefactiua: & partes Globi sunt frigida, seu frigefactiua. Probatur. Quæ motiua sunt naturam suam dilatando, sunt calida, seu calefactiua: Quæ verò motiua sunt naturam suam constringendo, sunt frigida, seu frigefactiua. Sed partes Orbem mundi componentes sunt moti-

uæ naturâ suâ dilatando: & Partes Globi constringendo. Ergo Partes Orbis sunt calidæ seu calefactiue, & Partes Globi frigidæ, seu frigefactiue.

Ex dictis inferes corporis simplicis, æ sphaerici, differentiam cognosci per ipsius naturam: Naturæ; per ipsius motum, & quietem: motûs, & quietis; per ipsorum locum: loci; per centrum, & peripheriam.

CAPUT XI.

De Elementis.

QVÆ sequuntur, ea reiecimus in hunc locum, ut non omninò quidem necessaria ad *Pleni per experimenta noua confirmationem*: at illa subiungimus tanquam admodum utilia ad eorum, quæ dicta sunt priori parte, & posterioris ultimo cap. pleniorẽ intelligentiam.

Dictum est in *Physicâ* priori lib. q. 3. c. 1. & 2. simplicia illa corpora, quibus in primâ sui productione constabat *Mundus*, ita esse diuisa, permistâque; ut inde facta sint corpora quatuor prima composita ex materiâ, & formâ Partis, quæ vulgò dicuntur *Ignis, Aër, Aqua, Terra*, per varias *Densi, & Rari, vniones, & pro-*

portiones. Tota illa singula, quia sunt homogenea; constant ex partibus eiusdem cum suo Toto mixtionis, atque ad eò rationis.

Ex Totis illis quatuor *Mundum* absque aliâ mixtione cõponamus. Terra per inclinationem Partium naturalem ad suum Totum, erit sphærica: ipsûmque Totum erit in infimò sphærici Totius, quod appellamus *Mundum*, locò: nempe circa Centrum, quasi ab illo trahatur, & repellatur à Peripheriâ. Figuram item sphæricam obtinebit Ignis ex naturali partium inclinatione, supremûmque in *Mundo* locum, iuxta peripheriam, quasi ab ipsâ tractus, & à Centro depulsus. Hic erit Orbis duntaxat, quemadmodum & illa tantum Globus. Aër, & Aqua per naturalem quoque suam inclinationem; & figuram habebunt sphæricam, & suum tenebunt in mundo locum, Aër quidem ut Orbis ad rationem aquæ, & Globus, ad rationem Ignis: Aqua verò Terram ut Orbis circumcinget; ab Aëre circumdata, ut Globus.

Corpora illa quatuor ex Partibus eiusdem cum suò Totò rationis; iterum in Tota minima diuidantur, Ignis in
G iiij

Ignea: Aër in Aërea: Aqua in Aërea: Terra in Terrea. Superficies Ignis, & Aquæ, sit ex Densô; Centrum ex Rarô: superficies in Igne tenuissima: in Aquâ paris cum centro profunditatis. Superficies Aëris, ac Terræ, sit ex Rarô; centrum, ex Denso: superficies in Terrâ tenuissima: in Aëre paris cum centrô profunditatis. Per superficiem intellige particulas superficiei vicinas: per centrum, centro item vicinas.

Duplex illa naturalis inclinatio, de quâ suprâ (nempè altera ad figuram, siue Totum suum; altera ad locum, siue tale in *mundô* spatium) in Particulis illa Totula componentibus æquè, atque in Totis ipsis, inuenitur: Ergo Totula illa sibi relicta, neque ab aliis impedita, Globuli erunt, siue Orbiculi.

At quia Mundus inde compleri non potest; necessarium est ad illius complementum, vt illarum Particularum aliquæ propriam perdant figuram, & alienam induant. Humidorum est à ficcis contiguis accipere figuram, & suam perdere: Siccorum è contrariô suam conseruare, humidâque sibi contigua conformare. Quæ igitur Totula sicca

erunt, ea figuram dabunt humidis, quæ poros, hoc est, spatiola globulis inuicem, & in puncto, tangentibus necessariò intercepta, complent. His consequentes sunt hæ Assertiones.

PRIMA ASSERTIO.

Terra Globuli, siue Orbiculi, naturalem suam, nempe sphericam, maximè omnium globulorum in mundo seruant figuram. Probatur. Quia omnium siccissimi sunt.

SECUNDA ASSERTIO.

GLOBVLORVM Terra pori, siue spatiola ab illis inuicem, & in puncto tangentibus, relictæ; implentur aqua Globulis figuram suam mutantibus in triangularem. Probatur. Et quidem, quòd Pori Terræ, siue spatiola, impleantur aquæ Globulis; patet ex eò, quòd impleantur aliquâ materiâ; non aliâ, quàm vicini elementi, quod est aqua, siue aquei globuli. Quòd verò figuram suam cum triangulari commutent illi aquæ globuli, spatiola terræ complentes; probatur ex eò, quòd humidi sint ad rationem terræ, adeoque figuram accipiant ab illius Globulis inuicem, & in puncto, tangentibus: vnde

in aliam, quàm in triangularem con-
formari non possunt.

TERTIA ASSERTIO.

GLOBULI *Terræ maiores sunt Aquæ
Globulis.* Probatur. Quæ maiora sunt cor-
pore implente poros Terræ, maiora
sunt Aquæ globulis. Atqui globuli Ter-
ræ sunt corpora, quæ maiora sunt cor-
pore implente poros Terræ. Spatium enim
contiguis quinque orbiculis interce-
ptum, quale est corpus, quò replentur
pori, de quibus est sermo; non est deci-
ma pars vel vnus orbiculi. Ergo Terræ
globuli maiores sunt Aquæ globulis.

QUARTA ASSERTIO.

GLOBULORVM *Aquæ spatiola re-
plentur aëreis globulis.* Probatur. Implen-
tur materiâ, seu globulis elementi vici-
ni, & contigui. Ergo vel Terræ, vel Aë-
ris: non Terræ; Quia, vt dictum est as-
ser. præcedente, Globuli Aquæ figuran-
tur à Terræ globulis, quando poris illius
intercipiuntur: atque adeo maiores sunt
Terræ globuli globulis aquæ. ergo pori
Aquæ non implètur terræ globulis. ergo
implentur Aëre, hoc est materiâ, siue glo-
bulis Aëris.

QVINTA ASSERTIO.

GLOBVLI Aqua maiores sunt globulis aëreis. Hæc assertio patet extertiâ, quâ probatum est Terræ globulos esse maiores aqueis. Quod enim Terra est ad Aquam; hoc est Aqua ad Aërem.

SEXTA ASSERTIO.

AEREORVM globulorum spatiola replentur igneis orbiculis figuram suam mutantibus. Hæc Assertio pendet ex superioribus. Quod enim Terra est ad Aquam, & Aqua ad Aërem; hoc est Aër ad Ignem. Atque adeo, Quemadmodum pori, siue spatiola, Terræ implentur globulis elementi superioris figuram mutantibus: & Aquæ spatiola globulis item elementi superioris; ita & aëreorum globulorum spatiola replentur orbiculis, siue materiâ elementi superioris, nempe Ignis, figuram suam mutantibus.

SEPTIMA ASSERTIO.

AEREI globuli maiores sunt Igneis. Hæc assertio probatur assertione tertiâ per identitatem rationis. Ut enim se terra habet ad aquam; sic Aër ad Ignem.

OCTAVA ASSERTIO.

OMNIVM *elementorum maximè porosum est Terra.* Probatur. Quia poros habet omnium maximos.

NONA ASSERTIO.

OMNIVM *elementorum impurissimum est Terra.* Probatur. Quia omnium plurimum continet in se alienæ materiæ, cùm maximos habeat poros.

DECIMA ASSERTIO.

IGNIS *elementum nullis habet poros.* Probatur. Quia vel totus aliorum poros implet, vel, si est ab illis separatus, ita premitur in mundo, vt nusquam figuræ suæ relinquatur. Neque enim haberet, vnde poros impleret.

VNDECIMA ASSERTIO.

AQUA *per Terram figurata, & poris illius intercepta, naturalis est Terra.* consequenter. Probatur. Quia Terra ipsa naturalem suam figuram, hoc est globulorum, habere non potest absque materiâ, seu globulis, Aquæ, vt patet ex asser. 2. sic Aër naturalis est Aquæ sic Aëri naturalis est Ignis.

DVODECIMA ASSERTIO.

QVI Terram premit; aquam inde extrahit: Qui Aquam, Aërem: Qui Aërem, Ignem. Probat. Qui terræ globulos facit magis contiguos, corpus, quo separabantur, extra illos ita contiguos mouet, seu collocat: quod est extrahere. Ergo qui terram premit, hoc est qui terræ globulos facit magis contiguos; aquę particulas, seu materiam, quā separabantur, extra collocat; Ergo aquam è terrā educit, siue extrahit. Eadem est Ratio Aquæ ad Aërem, & Aëris ad Ignem.

DECIMATERTIA ASSERTIO.

QVOD ita premitur, vt inde excludatur Rarius, condensatur. Probat. Id cuius partes accedunt inuicem per exclusionem rarioris, condensatur. Omne id, quod ita premitur, vt inde excludatur rarius, est id, cuius partes accedunt inuicem, hoc est fiunt magis contiguæ, per exclusionem rarioris. Ergo, quod ita premitur, vt inde excludatur Rarius, condensatur.

DECIMAQUARTA ASSERTIO.

AER omnium elementorum facillimè, Terra omnium difficillimè, Aqua mediocriter, condensatur. Probatur. Quod facillimè excludit rarius, facillimè condensatur: Quod mediocriter; mediocriter: quod difficillimè, difficillimè. Sed Aër omnium elementorum facillimè excludit rarius, Aqua mediocriter, difficillimè Terra. Nam, quod facillimè perdit figuram, per quam includebat rarius, est id, quod facillimè excludit Rarius: Quod mediocriter; mediocriter; Quod difficillimè, difficillimè: Aër autem facillimè talem perdit figuram, quia humidissimus: Terra difficillimè, quia siccissima: Aqua mediocriter, quia mediocriter sicca, & humida. Igitur Aër omnium elementorum facillimè, Terra omnium difficillimè, Aqua mediocriter, condensatur.

DECIMAQUINTA ASSERTIO.

IGNIS non condensatur. Probatur. Id ex quò non excluditur Rarius, non condensatur. Ignis est id ex quò non excluditur Rarius, ergo Ignis non condensa-

tur. Premitur quidem, & constringitur: quia semper in mundô est contiguus corpori, à quo figuram accipit, adeoque nunquã in mundo figurã habet naturalẽ, nisi fortè cùm erumpit, ac vehementiã motus per transfennam figurat contiguũ.

DECIMASEXTA ASSERTIO.

GLOBVLIS *elementorum duplex conuenit motus naturalis: alter ad figuram sphæricam; Alter ad locum.* Nempe, quando sunt, & extra figuram, & extra locum naturalem; neque ab aliô retinentur. Probatur. Quia conuenit illis duplex illa inclinatio naturalis, altera ad figuram sphæricam, altera ad locum, vt dictum est suprà. ergo & duplex motus.

DECIMASEPTIMA ASSERTIO.

ELEMENTORVM *globuli, quando ponuntur extra figuram naturalem, sunt inuicem magis contigui, quando ad illam redeunt; minùs.* Probatur. Quia nulla minor est contiguitas, quàm globulorum sub figurã propriã, & naturali, nempe sphæricã: tangunt enim se per punctum: Omnis alius per aliam figuram contactus maior est: Quia fit per superficiem: ma-

ximus est per quadratam, seu cubicam : igitur elementorum globuli , quando ponuntur extra figuram naturalem , sunt inuicem magis contigui : Quando ad illam redeunt , minùs.

DECIMAOCTAVA ASSERTIO.

ELEMENTA , quando sic redeunt ad propriam figuram , vt in spatiola sua includant rarius , rarefiunt. Probatur. Corpus cuius partes recedunt inuicem trahendo , siue suscipiendo rarius in locum à se relinquitum , rarefit. Atqui elementa , quando sic redeunt ad propriam figuram , vt in spatiola sua includant rarius , sunt corpus , cuius partes recedunt inuicem trahendo , siue suscipiendo rarius in locum à se relinquitum. Ergo elementa , quando sic redeunt ad propriam figuram , vt in spatiola sua includant rarius , rarefiunt.

DECIMANONA ASSERTIO.

IGNIS non rarefit. Probatur. Quod non admittit rarius , non rarefit. Ignis non admittit rarius. Ergo non rarefit.

VIGESIMA ASSERTIO.

AER omnium elementorum maximè rarefit,

refit, Aqua mediocriter, Terra minimè. Probatur. Quod rediens ad suam figuram suscipit, siue trahit, rarissimum maximè rarefit: Quod mediocriter rarum, mediocriter: Quod minimè Rarum, minimè. Sed Aër ad suam figuram rediens suscipit, siue trahit, rarissimū, nempe Ignem: Aqua mediocriter Rarum, nempe Aërem: Terra minimè Rarum, nempe Aquam. Igitur Aër omnium elementorum maximè rarefit, Aqua mediocriter, Terra minimè.

Ex dictis inferes aliud esse *premi*, siue *constringi*: aliud *condensari*: Aliud *dilatari*, aliud *rarefieri*. Premuntur, quæ ab alio sic mouentur, vt eorum partes accedant inuicem, siue excludatur Rarius, siue non: Denfantur autem ea solū, quorum partes accedunt inuicem excludendo rarius: Dilatantur, quorum partes recedunt inuicem, siue admittendo rarius, siue non. Rarefiunt autem, quorum partes ita recedunt inuicem, vt admittant rarius: Itaque *premi* sumitur, & pro *constringi*, & pro *condensari*: *Dilatari* autem, & pro *distendi*, & pro *rarefieri*.

O B I E C T I O.

Contra hæc omnia sic obiicies. Spa-

H

tiola, quæ relinquuntur à globulis sunt vacua. Ergo spatiola inferioris elementi non implentur globulis superioris: neque fit condensatio per exclusionem, neque rarefactio, per susceptionem, Rarioris.

Respondeo negando Antecedens. Illæ enim particulae, quibus dicimus claudi globulos elementi superioris, si nullo corpus clauderent, distarent, & non distarent: Distarent quidem, quia supponuntur distare: non distarent; Quia omnis distantia, ut patet inductione, est corpus interiectum.

Dicunt nonnulli esse duplicem distantiam: alteram actuale, alteram possibilem: & hanc sufficere ad impediendum contactum corporum. Priorem quidem non esse inter globulos elementorum; esse autem posteriorem. At ista responsio non satisfacit. Illa enim corpora se tangunt, quæ sunt actu, & non distant actu. Contactus enim corporum est eorum existentia cum negatione distantiae actualis. Distantia autem actualis, ut patet inductione, est corpus actuale interiectum. Corpora verò, inter quæ est distantia possibilis, non distant actu, sed solum potentiâ: quod convenit omnibus corporibus, quæ

sunt àctū contigua: possunt enim distare: ergo habent distantiam possibilem.

Distinguunt, Distantiam possibilem, quæ per motum localem vnus, vel vtriusque, extremi distantis poni possit: Concedunt: Quæ sine motu locali vel vnus, vel vtriusque, extremi, poni possit; negant. Et hanc distantiam possibilem aiunt conuenire corporibus, inter quæ vacuum est spatium. Hanc distinctionem; vt ingenuè fatear, non percipio. Nam moueri localiter, & acquirere per se nouam distantiam ab aliquò, idem sunt. Ergo non potest aliquid per se acquirere nouam distantiam, & non moueri localiter. Ergo non potest inter immota per se localiter poni distantia noua.

Nos decipit imaginatio *vacui*, quam ab imaginatione corporis inuisibilis, & nullum sensum per se mouentis, non distinguimus: illud autem, quia non sentimus; non imaginamur: Illudque spatium dicimus inane. At quia Ratio nos docet illud esse corpus, affirmamus esse corpus. Quia verò procliuè est redire ad sensum; & secundum sensum illud spatium est inane, quia non est sensibile; secundum sensum, aliud nihil cogitantes, loqui-

mur, & vacuum esse pronunciamus; cum
re verâ sit corpus, Quia longum est, la-
tum, ac profundum, verâque, & actua-
lem, facit distantiam, quæ per motum lo-
calem potest fieri longior, breuior, ac
tandem tolli per contactum lationi, hoc
est mutationi distantie, consequentem.

Contra vacuum.

1. Omnis longitudo physica est corpus
physicum. Omne corpus physicum est
longitudo physica.

2. Omnis distantia physica est longitu-
do physica inter duo corpora physica.
Omnis longitudo physica inter duo cor-
pora physica est distantia physica.

3. Acquisitio nouæ distantie physicae
est motus localis physicus. Motus loca-
lis physicus est acquisitio nouæ distantie
physicae.

4. Duo corpora physica, quæ non di-
stant, & possunt distare, physicè, sunt
contigua physicè. Duo corpora physica,
quæ sunt contigua physicè, non distant,
& possunt distare, physicè.

5. Duo corpora physica, quæ distant
physicè, distantiam inter se habent phy-

ficam. Duo corpora physica, quæ distantiam inter se habent physicam, distant physicè.

His applicetur istud axioma receptum ab omnibus in Adæquatis, *Quemadmodum affirmatio est causa affirmationis; ita negatio est causa negationis.* Atque adeo dicemus, Corpora duo physica, quæ non sunt contigua physicè, distant, & possunt non distare, physicè.


Ex dictis facile est inferre, Primò non dari vacuum. Secundo, Quid sit *Æther*? nempe, si purus est, esse corpus rarum, leue, humidum, & calidum, ex materiâ, & forma compositum; hoc est, Ignem elementarium, qui neque condensari, neque rarefieri possit: quique repleat Aëris in statu, & amplitudine, naturali positi poros.

index
eu

FINIS.







QVÆSTIVNCVLÆ

De Hydrargyro per tubum, quem impleat, erectum in aëre perpendiculariter ad horizontem, extremô superiore obseratum, inferiore apertum, in hydrargyrum subiecti vasis immersum, ad altitudinem viginti septem pollicum descendente.

1. **Q**VÆSTIVNCVLA. Quare hydrargyrus, si tubus longior non sit 27. pollicibus; non descendit?

2. Quare hydrargyrus per tubum longiorem 27. pollicibus, descendit?

3. Quare hydrargyrus non descendit infra 27. pollices?

4. Quare non magis, neque minùs, descendit in tubô magnæ diametri, quàm parvæ?

5. Quare, quantuscumque secundùm longitudinem sit tubus; ad eandem semper altitudinem descendit?

6. Quare debet immergi in hydrargyrum, qui sit in vase?

7. Quare, si qui est in vase hydrargyrus augeatur; ille, qui est in tubo, eleuatur?

8. Quare, si profundius in subiectum vasis hydrargyrum tubus immergatur, hydrargyrus tubi magis eleuatur?

9. Quare, si tubus accedat magis ad superficiem hydrargyri vasis, in tubo minùs affurgit?

10. Quare, si tubus aliò transferatur vnà cum vase, nulla fit in hydrargyro mutatio?

11. Quare, si pràter hydrargyrum includatur aër in tubum, inferiùs descendet hydrargyrus?

12. Quare, si includatur aqua, inferiùs quoque descendet?

13. Quare hydrargyrus in tubo sub aëre inferiùs, quàm sub aquâ, descendit?

14. Quare cum aëris pari mole, quò longior est tubus, eò minùs infra 27. pollices descendet hydrargyrus?

15. Quare tubo inclinato resorbetur hydrargyrus?

16. Quare per tubum, quem ad aquam, vel aërem, extrahas; ascendit hydrargyrus?

17. Quare, si apponantur tubo calidas; descendit hydrargyrus?

18. Quare, si apponantur frigidas; ascendit hydrargyrus?

19. Quare, cum primum peruentum est ad 27. pollicem, aliquamdiu reciprocantur hydrargyri descensus, & ascensus?

20. Quare tantâ facilitate tubus in vasis hydrargyrum immergitur, indè que sursum erigitur?

• Ut satisfiat his Quæstiunculis.

1. Notandum est aërem condensari, quando illius particulæ, per æthera, siue ignem elementarium, vel spiritus solares (vt singulæ corporis animalis particulæ per spiritus vitales) diuisæ; naturalem sibi sphæricam figuram mutant in aliam, quâ maior fiat illarum contactus; quâ excludant æthera; totumque ex illis particulis compositum, minorem impleat in mundo locum. Est autem figura, partis ad partem eiusdem superficiiei habitudo.

2. Notandum est separationem illam ætheris ab aëre, qui condensatur, fieri duobus modis; altero per pulsionem; altero per tractionem: per pulsionem fit, quando à corpore circumstante sic premitur aër, vt illius particulæ fiant magis contiguæ, atque adeò extrudant æthera, quò diuidebantur, ac

distabant inuicem : per tractionem fit, quando corpus vicinum post se trahit per motum suum, proximum & contiguum æthera sic, vt illum ab aëre, quem dilatabat, separet; eúmque in locò separató collocet. Vtróuis modò fiat illa ætheris ab aëre separatio; densatur aër contra naturam: hoc est naturalem particularum perdit figuram, ac dilatationem: Quò utròque modò spongia naturalem ab aquâ dilatationem perdere potest: alterò, quò prematur spongia: altero, quò ex illâ exsugatur aqua, v. g. Diabete. Quæ condensatio fit per tractionem; illa, cæteris paribus, magis est intensa: quia ad pauciores partes extenditur, & æqualem perdit aëris copiam: Quæ verò fit per pulsionem; illa vt plurimum, magis extensa est; quia extenditur ad plures particulas cum parisi ætheris iacturâ. Hæc aëris condensatio per tractionem ætheris in tubum ex aëre circumfuso fit, quando hydrargyrus per tubum superiore extremo clausum descendit. Tubus enim, ex quâcumque sit materiâ, poros habet æthere, seu maius clementario igne, aut spiritu, vel solari, vel aliò, plenos; cui ætheri contiguus

est hydrargyrus in tubô: quémque, si corpus aliud non sequatur, post se descendendo deorsùm trahit.

3. Notandum est grauitationem hydrargyri, cuius linea directionis longior est, esse maiorem grauitatione illius hydrargyri, cuius cæteris paribus, linea directionis est breuior, vt per se notum est, & experienciâ comprobatum: & ratio est, quia grauitans impositum grauitanti, grauitationem auget. Lineam directionis voco longitudinem corporis, grauitantis horisonti perpendicularem: quæ longa est pro distantiâ inter extrema, quorum alterum centro mundi sit aduersum, alterum ipsi oppositum.

4. Notandum est in aëre tubô, quem impleat hydrargyrus, circumfusô esse virtutem rarefactiuam, & in ipso hydrargyro virtutem contrariam, nempe illius aëris condensatiuam. Vtraque virtus in æthere trahendo suam exercet contrarietatem: atque adeo vtraque virtus dicit duo, quatenus est contraria: virtus aëris rarefactiua dicit inclinationē partium naturalem ad figuram sphæricam, extra quam positus sit per vim, & consequenter ad ætheris tractionem: virtus

condensatiua dicit in hydrargyro inclinationem naturalem ad locum inferiorem, supra quem sit per vim, & consequenter ad ætheris contigui tractionem. Inclination vtraque esse potest absque motu: nempe quando est in termino: natura enim in termino, siue statu, & loco naturali, quiescit: extra illum operatur, ut cum recuperet: si adsit impedimentum actionis, dicitur nitî, seu conari; quod nihil est aliud in naturâ, quàm ipsam esse, & esse extra statum, vel locum naturalem, & esse impedimētum regressus. Aër autem circumfusus, & hydrargyrus in tubo, cessare possunt à motu, & consequenter ab ætheris tractione; quando vel impediuntur, vel sunt in termino.

Inclinatio ad figuram, seu raritatem reparandam maior est, quando magis & plures particulæ sunt extra: minor, quando pauciores & minùs: inclinatio ad descensum maior est, quando magis, & plures sunt particulæ graues supra locum naturalem: minor, quando minùs, & pauciores. Quando hydrargyrus ad se trahit æthera; violentiam patitur aër, quia condensatur: Quando retrahitur æther ab aëre; violentiam patitur hy-

drargyrus, quia sursum trahitur.

Non trahitur æther, nisi alterum contrariorum alteri præualeat: si neutrum præualet; ab utroque retinetur: atque adeò neuter est motus contrarius, neque rarefactio, neque condensatio: quod est æquilibrium virtutum diuersæ rationis.

5. Notandum hîc præter hoc virtutum diuersæ rationis æquilibrium, aliud inueniri, nempe virtutum eiusdem rationis: quô videlicet ætheris duæ partes ita retinentur à duabus aëris circumfusi partibus, ut neutra præualeat: nempe quando suprema in tubo pars ætheris, & altera ipsi proxima, ita retinentur à duabus aëris circumfusi partibus, supremâ, & illi proximâ; ut nullus fiat motus: sic paris grauitatis corpora in bilance retinentur, ac sustinentur inuicem.

6. Notandum est, aërem tubo circumfutum posse, & rarefieri per aduentum, & coniunctionem, calefactiui; & condensari per coniunctionem refrigerantis. Ratio est: prioris quidem: quia calidum dispergit spiritus æthereos, quibus aër dilatatur: posterioris autem: quia frigidum emittit spiritus aqueos, ac terreos, quibus ex aëre pelluntur ætherei,

& aër ipse constringitur : His cōsequentes sunt in tubo hydrargyri motus : deorsum per condensationem aëris de nouo rarefacti , atque adeò nondum sufficienter ad æquilibrium condensati : & sursum per rarefactionem aëris supra æquilibrium condensati , atque adeò præualentis hydrargyri virtuti , quæ non nisi minorem condensationem causare potest : ergo virtuti condensatiuæ præuallet rarefactiua. Sic mutatur æquilibrium diuersæ rationis : quia mutatur æquilibrium eiusdem rationis.

7. Notandum est, virtutes contrarias, quarum altera per motum naturalem ad æqualitatem cum alterâ perueniat, prius inter se librari, quàm consistant in æquilibrio: Quia vtraq; altera fortior est alternatim. nam, quæ per suum motum naturalem, ad æqualitatē cum alterâ peruenit; pergit vltra æqualitatem, quia motu suo superat æqualem: atque adeò remouet alteram à statu naturali vltra æqualitatem. Hæc autem sic à naturali suo statu remota, fortior est ad mouendum: quia capax est maioris motus naturalis: atque adeo potest remouere virtutem contrariam à statu naturali vltra æqualitatem:

& hæc similiter, donec se inuicem sistant.

His prænotatis.

Ad 1. Quæstiunculam respōdeo. Quia non præualet virtus condensatiua. Non præualet autem, quia plures sunt agentis contrarij particulæ raræ, quàm contrarij graues.

Ad 2. Quia præualet virtus condensatiua: sunt enim plures particulæ graues, quàm raræ.

Ad 3. Quia virtus rarefactiua æqualis est virtuti condensatiuæ.

Ad 4. Quia quemadmodum augetur virtus condensatiua in tubo, sic augetur virtus rarefactiua circa tubum. Quemadmodum enim plures requiruntur partes graues ad implendum maioris diametri tubum, sic plures ad cingendum ipsum necessariæ sunt raræ.

Ad 5. Quia reperitur æquilibrium eiusdem rationis in partibus ætheris, & aëris circumfusi tubo, quæ sufficiente ad sustinendum hydrargyrum contiguum parte sunt superiores. Sic enim se ad hanc contiguam & sufficientem æquilibrium diuersæ rationis habent, vt siue adsint, siue absint; eodẽ fiat illud æquilibrium modò: Si duæ balances æquili-

bratæ sic vniantur, vt vnus lani alterius lanci alligata sit; vnus æquilibrium alterius æquilibrium neque prodest, neque nocet. verum quemadmodum si vnus tollatur æquilibrium, alterius quoque tollitur; ita si horum duorum diuersæ rationis vnum mutetur; alterum quoque mutabitur.

Ad 6. Ne corpus aliud ingrediatur in locum hydrargyri tubum occupantis, ac descendens, quod ipsa hydrargyri virtus condensatiua minuatur, ac superet virtus rarefactiua, & ipse hydrargyrus sursum feratur.

Ad 7. Quia minuetur virtus condensatiua, & rarefactiua superabit.

Ad 8. Quia mutatio fit in solo tubo, & hydrargyro vasis; non autem in hydrargyro tubi.

Ad 9. Eadem est responsio.

Ad 10. Quia vel transfertur aer circumfusus & adhærens, cum tubo; vel quantum ipsius tubi aduentu densatur aer, in quem transfertur; tantum rarefit is, à quo transfertur.

Ad 11. Quia rarefit aer versus hydrargyrum per coniunctionem cum æthere.

Ad 12. Quia rarefit aqua, & gravitationem auget, per coniunctionem cum

æthere & hydrargyro.

Ad 13. Quia multo maior est aëris, quàm aquæ, rarefactio.

Ad 14. Quia superest ad rarefactionem spatium maius.

Ad 15. Quia minuitur virtus condensatiua: minuitur enim linea directionis, à quâ pendet virtus condensatiua.

Ad 16. Quia per separationem ab hydrargyrô sustinente virtus condensatiua est imminuta: & præualet rarefactiua partis aëris ætheri contiguo respondentis, à quâ parte retrahitur æther; quò retractô, hydrargyrus ætheri superiori fit contiguus, à quò propter eandem rationem sursum tollitur: & sic de cæteris vsque ad finem successiuè.

Ad 17. Quia per illam calidorum coniunctionem rarefit aër: atque adeo rarefactiua illius virtus superari potest à condensatiuâ: superest enim aliquid ad cōdensandum, quod ab hydrargyro condensari potest. Æther item à calidis in tubum actus, ætherem auget in tubo: ergo depellit hydrargyrum quò potest: nempe ad inferiorem locum.

Ad 18. Quia tum rarefactiua virtus præualet condensatiuæ: tum enim con-

densatus est ær supra id, quod potest hydrargyrus, ergo rarefactiux virtuti, quâ recurrit ad raritatem motu suo, cedit hydrargyrus.

Ad 19. Quia librantur contrariæ virtutes priusquam ad æquilibrium perueniant: librantur autem, quia fiunt alternatim fortiores.

Ad 20. Quia factò æquilibriò facilè trahitur, ac retrahitur, æther: trahitur in tubum ab hydrargyro: retrahitur ex tubo ab aëre circumfuso: immersione autem, & erectione quantum trahitur, tantum retrahitur.

Q V Æ S T I V N C V L Æ

De Æthere in tubo.

1. **Q**UID sit æther?
2. Cur æther, non aliud corpus, est in tubò?
3. Cur æther in tubo non mouetur fursùm?
4. Cur æther in tubò non calefacit?
5. Cur æther in tubò non lucet?
6. Cur æther in tubò clausum vesiculâ rarefacit aërem.
7. Cur vesicula, si tubi superiorem

partem referas; detumescit?

8. Cur aqua in tubo supra hydrargyrum dilatatur?

9. Cur tam facilis hydrargyri, tubô inuersô, per æthera descensus?

Vt respondeatur.

1. Notandum est, omnibus elementis duplicem conuenire virtutem naturalem: alteram, per quam posita supra locum naturalem, eò redeant: cuius virtutis terminus sit locus naturalis: alteram, per quam posita extra naturalem dilatationem, ad eam redeant: cuius terminus sit dilatatio naturalis.

Hæ virtutes in diuersis elementis diuersæ sunt: Prior virtus maxima est in terrâ, mediocris in aquâ, minor in aëre; minima in æthere: posterior autem è contrario maxima in æthere, mediocris in aëre; minor in aqua, minima in terra: nam quemadmodum æther nusquam est in mundo supra locum naturalem; sic terra nusquam est extra dilatationem sibi naturalem: Quia dilatatio naturalis perditur amittendo figuram naturalem, quam terra non perdit: extra illam autem semper est æther, atque adeò semper ad eam recurrit, nisi adsit impedi-

mentum, quod perfrumpere nequeat. Recursus hic, si celer est ac vehemens; vocatur eruptio; cō maior, quō, ut suprà dictum est, maior fuit à naturali dila-
tatione, seu figurâ, recessus: & cæteris
paribus, quō plus est figuræ contra na-
turam; cō maior est regressus: & quō
plures in æquali spatio particulæ, cō
plus est figuræ: quælibet enim particula
suam habet figuram: quò pauciores, cō
minus est figuræ: ergo multō plus est fi-
guræ in Toto diuiso in particulas, quàm
in Toto continuo, & vnius superficiei.
Quō igitur plures in particulas diuidi-
tur æther, cō plus habet figuræ. Quâ fi-
gurâ multum recedente à sphæricâ; to-
tum constituitur in statu valde violentō:
à quō, nisi adsit impedimentum, quod
perfrumpere non possit; magnâ celerita-
te recedit, secumque in illo motu con-
tigua corpora vehementer impetit. Im-
petus enim est celer, ac vehemens, mo-
tus corporis ab aliō suum ad statum, aut
locum, naturalem redeunte.

2. Notandum est ætheris motum, qui
dicitur calefactio, eruptionem esse, quâ
corpus, in quod erūpit, celerrimè dila-
tat, ac diuidit, per suum ipsius ingressum.

3. Notandum est æthera non lucere, nisi quando ex aëreo, & pingui, erumpit inuolucrô: tum enim motu luminari mouet æthera sibi contiguum: & ipse aër ab æthere figuratur. Hæc aëris per æthera figuratio fit, quando & multus est ætheris à naturali dilatatione recessus, & aër pinguis: quemadmodum aqua pinguis ab aëre emergente figuratur in bulla. Tum enim fit flamma, & flammulæ, hoc est particulæ totum flammæum componentes: quæ particulæ, quô maiores, ac pauciores sunt, eô totum, cæteris paribus, est rarius: & quô rarius, eô minor est eruptio, & consequenter eô minor motus, & actio, siue illuminatio: quô verò minores sunt, ac plures particulæ; densius eô totum est; & quô densius, eô maior est eruptio, & consequenter motus, & illuminatio, maior, & lux. At si neque est aër pinguis, neque ætheris multa copia, quæ constricta possit erumpere, & ex aëre componere sibi inuolucrum; neque erit lux, neque illuminatio.

4. Notandum est æthera vicinum, ab aëre facilè trahi, quando aliò non mouetur: & sic aërem condensatum ab illò

adueniente dilatari, suâque ipsius figuram naturalem, nempe sphæricam, reparare: trahi autem fortiùs ab aëre magis, quàm à minùs, condensato: quia reditus ad statum naturalem eò celerior est, quò maior; & eo maior, quò maior est recessus ab illo statu naturali, cæteris paribus: maior autem aëris condensatio maior est illius à statu naturali recessus, cum ipsa condensatio sit recessus ab illo statu.

His prænotatis.

Ad 1. respondeo, Ætherem esse quartum elementum, quod appellamus ignem elementarium, ut ipsum distinguamus à flammâ, & prunis accensis, quæ corpora sunt mixta ex quatuor elementis, æthere dominante, & erumpente ex pingui, quò premebatur. Hic autem æther est corpus omnium maximè humidum: hoc est ab omni aliò contiguò figurabile: atque adeò, quod ab omni alio poni potest extra figuram naturalem: cui consequens est facillima diuisibilitas. Corporis enim, cuius figura mutatur; pars à parte remouetur: quod est diuidi: siue illa diuisio fiat per aliùs corporis diuersæ rationis positionem

nem

nem inter partes, quæ diuiduntur: siue absque tali corpore per motum vnus partis diuersum ab alterius motu, vel quiete. Quæ autem sunt facillimæ diuisibilitatis; ea tenuissima sunt, ac subtilissima. *Æther igitur est corpus omnium maximè humidum.* Neque dicitur siccus, nisi quia exsiccat humidum extrahendo.

Ad 2. Quia in spatiô illô ab hydrargyrô relictô, est aliquod corpus, vt patet ex lumine per tubum vitreum, & sono per alios, transmissô: & ex hydrargyrô fursùm moto. Non est aliud ab æthere: Non visibile, vt docet experientia: Non ær; quia descensus hydrargyri per ærem est multò lentior eô, qui fit per istud corpus: Non spiritus ex hydrargyrô transpirantes: Tum quia non apparet diminutio in hydrargyro: Tum quia idem contingit in tractione emboli per diabeten obturatum: Embolus autem non transmittit illos spiritus. Neque est ær, qui rarefiat: 1. quia retinetur hydrargyrus in tubo: non retinetur autem per ærem communem, quem aspiramus (si enim foramen in tubo, vel angustissimum sit, per quod in tubum penetret; descendet hydrargyrus ad æqua-

litate superficiæ cum hydrargyro, qui est in vase) ergo retinetur per aërem, quia rarefit: ergo maior rarefactio magis retinebit: ergo hydrargyrus in tubo valde longo, & amplo, non descendet ad vigesimum septimum pollicem: maior enim est rarefactio paris in speciem aëris, ad maius spatium, quàm ad minus. 2. non est intelligibilis tanta rarefactio, absque aduentu corporis alicuius: Per illam enim partes inuicem recedunt: ergo inter illas est distantia, quæ antea non erat: distantia autem est corpus inter extrema, quæ distant.

Ad 3. non moueri sursum æthera, qui est in tubo; quia non habet aliam leuitatem, quàm minorem grauitatem: atque adeò per se non mouetur sursum, sed ab aliis grauioribus, quorum occupat locum. Hic autem nihil est, quod ipsum sursum pellat.

Ad 4. Non calefacere, quia non erumpit, neque in tubum, neque ex tubo: quia & in tubum, & ex tubo, trahitur. Quod verò trahitur, non erumpit. Nam, quod erumpit, per se mouetur: quod trahitur, mouetur ab alio. Præterquamquòd æther in tubo multo minùs, quàm

fusus per corpora, premitur.

Ad 5. Quia neque adest aër pinguis, neque eruptio ex pabulo pingui, vnde fiat inuolucrum: at neque lux est, neque illuminatio, sine inuolucro.

Ad 6. Vesicula per æthera contiguum in tubo peruadentem aërem in ipsa residuum, dilatur.

Ad 7. Ab aëre magis condensato in tubum irruente trahitur æther ex aëre vesiculæ minùs condensato.

Ad 8. Quia æther aquam peruadit, ac dilatat, etiam ab ea tractus: quò distinguitur ab aqua ebulliente, in quam non trahitur, sed erumpit æther.

Ad 9. Quia nullum corpus tam facile per aliud, quàm æther diuiditur, cum sit humidissimus, tenuissimus, ac subtilissimus. Hic tam promptus, ac facilis, hydrargyri per tubum descensus probat æthera, siue quartum elementum aëre tenuius, ac subtilius, ac magis diuisibile.

Ex dictis collige

1. *Raritatem* elementorum non malè defini *Potentiam naturalem ad reparandam figuram sphericam. Densitatem* verò, *impotentiam naturalem ad reparandam figuram sphericam.* Est autem huiusmodi impotentia, quando hæc figura vix deperditur: aut deperdita, vix

reparatur ab intrinseco.

2. Per *leuitatem ætheris* in hoc opusculo, intelligendam esse, vel minorem grauitatem, vel tractionem ab aëre, vel mobilitatem ad figuram sphaericam: atque aded has voces *Raritas*, & *Leuitas* esse æquiuecas.

3. Quando negatur ætheri *compressio*; per compressionem intelligi condensationem, quæ sit per abiectionem rarioris.

4. Pag. 31. lin. 22. Per *lene* intelligendum esse *minùs grane* cuius locus in mundo naturalis est superus; quò fertur à grauioribus deorsum latis.

5. Capp. 7. & 8. prioris partis intelligenda esse de confusione elementorum; non de naturali coniunctione, de quâ cap. 11. post. partis.

6. Pag. 47. Omissam esse potissimam rationem, quæ sumitur à naturali dilatatione.

7. Responsiones ad 2. & 3. quæ habentur pag. 52. & 61. cum similibus, meliùs intelligit ex resp. ad 3. & 16. quæstiunc. de hydragyro, pag. 127. & 129.

8. Explosionem glandis ex cannâ ventosa, quæ traditur pag. 60. faciliùs explicari per æris regressum ad figuram naturalem: de quo cap. 11. post. partis.

9. Assert. 10. quæ habetur pag. 100. intelligendam esse de motu ad figuram naturalem.

Errata sic corrige.

Pag. 18. lin. 16. *pro aëre, lege aëri.* Pag. 21. lin. 5. *lege sic* esse natura propria, seu bonum vniuersi. Pag. 34. lin. 1. *pro* 26. *repono* 7. & lin. 2. *pro vicies sexies, lege septies.* Pag. 31. lin. 16. *pro duo contraria, lege duo corpora contraria.* Pag. 96. *pro vicies sexies, lege septies.*



